

გილოცავთ!



ძვირფასო ქალბატონებო, დიდი პატივისცემითა და სიყვარულით გილოცავთ გაზაფხულის დღესასწაულებს.
ჩვენდა საამაყოდ, საქართველოში ქალის როლი ყოველთვის გამორჩეული იყო. ძლიერმა და განათლებულმა ქალებმა, უპირველესად კი, გმირმა დედებმა, მნიშვნელოვანი კვალი დატოვეს ჩვენი სახელმწიფოებრიობის მრავალსაუკუნოვან ისტორიაში. მთელი ჩვენი წარ-

სულიცა და ანმაც ხომ თქვენი მაღალი ზნეობის, სათნოების და თავდადების მაგალითია. დიან, ანმაც, რადგან ისტორიულად ჩამოყალიბებული ამ ტრადიციიდან ქართველ ერს არასოდეს გადაუხვევია და თანამედროვე ქალი უწინდებურად არის დედა, ოჯახის ბურჯი და აქტიური მოქალაქე. გილოცავთ დედის და ქალთა საერთაშორისო დღეს. გილოცავთ ჯანმრთელობას, დღეგრძელობას, ბედნიერებას, პროფესიულ წარმატებებს, ბედნიერ დედობას, და რაც მთავარია, მშვიდობიან საქართველოში ცხოვრებას. უფალი გფარავდეთ!

ნიკოლოზ ჯანიაშვილი,
დედოფლისწყაროს მუნიციპალიტეტის მერი



დედის დღესა და ქალთა საერთაშორისო დღეს გილოცავთ, ძვირფასო მანდილოსნებო. ვფიქრობ, რომ 3 და 8 მარტის დღესასწაულები თითოეულ ჩვენგანს საშუალებას გვაძლევს, კიდევ ერთხელ გამოვხატოთ ის დიდი სიბორო და სიყვარული, რომელსაც თქვენ ისედაც იმსახურებთ. არაერთხელ მითქვამს, რომ ჩემს ცხოვრებაში ყველაზე მნიშვნელოვანი ადამიანი იყო დედა. ის დღემდე ძალიან მაკლია და მენატრება. რთულია ვიპოვო სიტყვები, რომლებიც ჩემი დედისადმი დამოკიდებულებას ნათლად ასახავს. ასევე რთულია იმ სიტყვების პოვნა, რომლებიც დედა-შვილობის ფენომენს გადმოსცემს. ამიტომ ისე ვაჟას დავესხებები, რომელმაც ღირსეული დედა ღმერთს შეადარა: „ლამაზად შვილის გამზრდელი დედა მიცენია ღმერთადაო...“
რა თქმა უნდა, ქალის როლი მხოლოდ დედობა და მეუღლეობა როდია. ქალს შეუძლია წარმატებული იყოს ნებისმიერ ასპარეზზე. ამიტომაც, გისურვებთ პროფესიულ და პირად წარმატებებს, უღვე სიხარულს, დღეგრძელობასა და გახარებას.
თბილო და მზიანო დედებო, დებო, შვილებო და მეუღლეებო, კიდევ ერთხელ გილოცავთ დედის დღესა და ქალთა საერთაშორისო დღეს. უფალი იყოს თქვენი, თქვენი ოჯახების და სრულიად საქართველოს მფარველი!

ნუზარ პაპიაშვილი, დედოფლისწყაროს მუნიციპალიტეტის საკრებულოს თავმჯდომარე

...როცა ოცნება შეხვდა რეალობას

ნიტა და ნიცა პატარა, ლამაზ ქალაქში ცხოვრობდნენ. მშობლებს ძალიან უყვარდათ თავისი გოგონები და ცივ ნიავს არ აკარებდნენ. პატარა პრინცესებს განსაკუთრებით მამა ანებივრებდა, მათ ყველა სურვილს უსიტყვოდ ასრულებდა. გოგონებსაც საკუთარი, ზღაპრული სამყარო ჰქონდათ და წარმოსახვაში მომავლის გეგმებს ადგენდნენ. მათ მიერ მოგონილ სამყაროში ყველაფერი ლამაზი იყო, არ არსებობდა ბოროტება და მხოლოდ სიკეთე და პოზიტივი სჭარბობდა.

საბავშვო ბაღშიც და სკოლაშიც გამორჩეულები იყვნენ. საოცრად მდიდარი შინაგანი სამყარო ჰქონდათ, უყვარდათ პოეზია...

სკოლის დამთავრების შემდეგ დედაქალაქში ერთ-ერთ უნივერსიტეტში ჩააბარეს და მჭექაფარე სტუდენტური ცხოვრებაც დაიწყო. ინტელექტუალურ და სასიამოვნო გარემოების გოგონებს თავყვანისცემლები არ აკლდათ. დები თითქმის ყველგან ერთად დადიოდნენ, მიუხედავად იმისა, რომ სხვადასხვა ფაკულტეტზე სწავლობდნენ.

ნიცას განსაკუთრებით ბევრი თავყვანისცემელი ჰყავდა. ცისფერთვალე და ქერათმიანი გოგონა მართლაც პრინცესული გარემოებით გამოირჩეოდა და სწამდა, რომ ბედისწერაც ზღაპრულ ცხოვრებას უმზადებდა.

გაზაფხულის ერთ, მზიან დღეს კურსელებმა გადაწყვიტეს, რუსთაველის თეატრში ახალი სპექტაკლი ენახათ. ნიცა ხელოვნებათმცოდნეობის ფაკულტეტზე სწავლობდა და ახალგაზრდებიც მაქსიმალურად ცდილობდნენ, ყველა პრემიერას დასწრებოდნენ. ნიტასაც ძალიან უყვარდა ხელოვნება და დასთან ერთად ხშირად ესწრებოდა თეატრალურ დადგმებს. იმ დღეს ნიტას არ ეცალა. კოლოქიუმში გვიან დაუნიშნა ლექტორმა. ნიცა თანაკურსელებთან ერთად პრემიერას დაესწრო. სპექტაკლში მთავარ როლს ახალგაზრდა მსახიობი ასრულებდა. ნიკოს მიერ განსახიერებული როლით მოიხიბლნენ ნიცა და მისი კურსელები. სპექტაკლის შემდეგ საგრიმიროში ახალგაზრდა თავყვანისცემელთა ტივა არ იყო. ყველა ცდილობდა, ახლოდან გაეცნო ნიკო, მას-

თან ფოტო გადაეღო. მხოლოდ ნიცა არ აქტიურობდა. ეს არ გამოჰპარვია ნიკოს. მან თვითონ მიაქცია ყურადღება გოგონას და ტელეფონის ნომერიც გამოართვა. ასე დაიწყო მათი სიყვარულის ისტორია. დღეები მართლაც მზისფერი იყო, ახალ სპექტაკლებზე დასასწრები მოსანდევებითა და ყვავილებით სავსე. მალე დაოჯახდნენ. ყველა შენატროდა ლამაზ წყვილს, რომელთაც ერთმანეთის უსიტყვოდ ესმოდა... ახალგაზრდა ოჯახს ჯერ ნანატრი ვაჟი მოეწვინა, შემდეგ - გოგონა. ბავშვებზე ზრუნვა ბებიამ და პაპამ იტვირთეს. ყველაფერი იდეალურად იყო, ისე, როგორც ბავშვობის წარმოსახვაში.

ერთ დღეს ნიკო სახლში ნასვამი და გაღიზიანებული მოვიდა. ქმრის აგრესიას სიმშვიდით შეხვდა ნიცა, მაგრამ პიროველი უთანხმოება მეუღლეებს შორის მაინც მოხდა. მას შემდეგ ნიკომ სმას მოუხშირა, სახლში დაგვიანებას და დებოების ატეხას... მისმა ქვების ცვლილებამ სამსახურშიც პრობლემები შეუქმნა, ბოლო დროს მთავარ როლსაც აღარ სთავაზობდნენ. ეს მის გაღიზიანებას უფრო ამძაფრებდა. ოჯახს ეკონომიკურადაც გაუჭირდა. ნიცამ გადაწყვიტა, მუშაობა თავად დაეწყო. თა-

ვის კურსელებს დაუკავშირდა და ერთ-ერთ პრესტიჟულ ფირმაში დასაქმდა.

ნიცა ცდილობდა, მეუღლეს მხარში ამოსდგომოდა, მაგრამ ყველა მისი მცდელობა ამაო იყო. ნიკო დეპრესიამ შეიპყრო, ყველანაირ წარუმატებლობას ცოლს აბრალებდა და ჯავრს მასზე იყრიდა. საქმე იქამდე მივიდა, რომ ნიცას ფიზიკურადაც შეეხო. ქალს უეცრად ცა თავზე ჩამოექცა და მთელი მისი სამყაროც ქვეშ მოიყოლა. არა, ყველაფერს წარმოიდგენდა, მაგრამ ამას - ვერასოდეს. რა უნდა ექნა? შვილებს ვერ უღალატებდა, ვერც ნიკოს მიატოვებდა, რადგან ყველაფრის მიუხედავად, მაინც უყვარდა. მის მიმართ ზიზღს კი არა, სიბრალულს უფრო გრძობდა. დროებით მისგან გარიდება და საზღვარგარეთ ნასვლა გადაწყვიტა. უცხოეთში მცხოვრებ მამიდაშვილს დაუკავშირდა, რომელიც საბუთების მოგვარებაში დაეხმარა, ბანკიდან სესხი გამოიტანა და საბერძნეთში წავიდა. მხოლოდ შვილებს დაემშვიდობა, ნიკოსთვის არაფერი უთქვამს.

უცხო ქვეყანაში სამსახური მალე იშოვა. იმ ოჯახში, სადაც შინამოსამსახურედ მოეწყო, ძალიან მოსწონდათ და ანაზღაურებაც კარგი ჰქონდა. პირველად შვილებს

ბი ძალიან ენატრებოდა, ღამით თითქმის არ ეძინა, ბაღში ცრემლებით ასველებდა. მერე ნელ-ნელა მიეჩვია ამ ტკივილით ცხოვრებას, შვილებთან ურთიერთობას ვირტუალურად ხშირად ახერხებდა. თავდაპირველად ისინიც ტირილდნენ, დედას სულ მონატრებაზე ესაუბრებოდნენ, მაგრამ მერე ძვირადღირებულ საჩუქრებს მიეჩვივნენ და წუნწინი შეწყვიტეს. ნიცაც იმით სულდგმულობდა, რომ შვილების გაბედნიერება შეეძლო. საკუთარ გრძობებზე უარი თქვა და მხოლოდ შვილების სიხარულით ცხოვრობდა. სკოლა რომ დაამთავრეს, შვილებს საჩუქრები გაუქეთა - ბიჭს მანქანა უყიდა, გოგონას-ბინა. მისი გამოგზავნილი ფულით ნიკოც უზრუნველად ცხოვრობდა და ამის გამო უხერხულობას სულაც არ გრძნობდა.

ნიცას კი ძალიან ენატრებოდა სამშობლო, მშობლები და შვილები. მაგრამ მოხუცებული მშობლების გარდა მას ჩამოსვლას არავის სთხოვდა, ის არავის ენატრებოდა. ბოლო დროს შვილებიც მხოლოდ იმისთვის ურეკავდნენ, რომ ფინანსური დახმარება ეთხოვათ. არ უნდოდა საკუთარ თავს გამოსტყდომოდა, რომ ფულის საჭრელ დაზგად იქცა. გული სტკიოდა, მაგრამ თავს იმით იმშვიდებდა, რომ სამშობლოში შვილებს უზრუნველ ცხოვრებას სხვანაირად ვერ შეუქმნიდა. იმედს იტოვებდა, რომ სულ რამდენიმე წელიც და, მისი გაგზავნილი თანხით და მისი გემოვნებით მოწყობილ ბინაში დაბრუნდებოდა და ბედნიერად იცხოვრებდა. ეს იმედი ერთმა ვიდეო ზარმა დაასრულა, როცა მისმა გოგონამ დედას უცხო ქალი წარუდგინა და მამის ახალ მეუღლედ გააცნო.

ელდამ ტანში დაუარა. გულზე ჩხვლეტა და საშინელი ტკივილი იგრძნო. რამდენიმე საათში პაციენტის - ნომრით №551 ადგილას ცარიელი სანოლი დარჩა...

ეს გავრი ქართველი ქალის ისტორიაა, ქალის, რომელმაც პაპის ფუნქცია იტვირთეს და საკუთარ ცხოვრებაზე უარი თქვა ოჯახის, შვილების კეთილდღეობისთვის. ასა, როცა ოცნება ხვდება რეალობას...

ღინა შიოლაშვილი



სოფლის კრებები დასრულდა

სოფლის მხარდაჭერის პროგრამის ფარგლებში განსახორციელებული პროექტების გამოვლენის მიზნით მოსახლეობასთან შეხვედრები 21 თებერვალს გამარჯვებასა და სამრეკლოში ჩატარდა. ამით დედოფლისწყაროს მუნიციპალიტეტში დასახლებების საერთო კრებები დასრულდა. მუნიციპალიტეტის მასშტაბით შეხვედრა 15 დასახლებაში ჩატარდა, სადაც საერთო გადაწყვეტილებით მოსახლეობამ პროგრამის ფარგლებში დასაფინანსებელი პროექტები შეარჩია, რასაც ასევე დაემატება ადგილობრივი ბიუჯეტიდან გამოყოფილი თანხები.

ნიკოლოზ ჯანიაშვილი: „სოფლის მხარდაჭერის პროგრამისთვის ცენტრალური ბიუჯეტიდან დედოფლისწყაროს 256 000 ლარი გამოეყო. ადგილობრივი ბიუჯეტს აქვს საშუალება, დაემატებინა იგივე რაოდენობის თანხა და დაახლოებით 600 000 ლარით ვინცებთ სოფლის პროგრამის სამუშაოებს. თხუთმეტივე სოფელში მოსახლეობის აქტიური ჩართულობით დასრულდა შეხვედრები, მიუხედავად იმისა, რომ დიდთოვლობა და მკაცრი ამინდები იყო. ამ პროგრამის მიზანმიმართული და მთავარი მიზანმიმართული სწორედ ესაა. არაჩვეულებრივი საშუალებაა ჩვენთვის, რომ სოფლად მოსახლეობის მხრიდან წამოიწიოს იდეები განვანახო-ციელოთ. ახლა უკვე შეგვიძლია შერჩეული საკითხების რეზიუმე გავაკეთოთ. ძირითადად ბავშვთა გასართობი სივრცეების მოწყობა, ან რეაბილიტაცია მოითხოვს. მთელს მუნიციპალიტეტში სრულად გვაქვს გარე განათება დასრულებული, ამიტომ ორ სოფელში გვაქვს გამორჩენილი ადგილები, სადაც მოსახლეობა არ ცხოვრობდა და ახლა დაბრუნდნენ, იქ დაგეგმვათ განათებას. ასევე სასაფლაოების შე-

მოღობვა მოხდება, წყაროების მოპირკეთება. პატარა, მაგრამ სოფლისთვის მნიშვნელოვანი საქმეები გაკეთდება. მერიის ინფრასტრუქტურის სამსახური ახლა აქტიურად მუშაობს სამისოდ, რომ მოსახლეობის იდეები პროექტებად აქციოს და სამუშაოები დროულად დაიწყო. მზადდება დოკუმენტაცია, რომ შემდეგ პროექტები შევიძინოთ და სამუშაოების მწარმოებელი კომპანიე-

მიტოვებული ნაგავსაყრელი იყო, ბეტონის ნანგრევები ეყარა. მესამე წელი ვცდილობთ ამ ცენტრალური ადგილის გამოცოცხლებას და განვითარებას. ამას გარდა სოფლის კრებაზე დაისვა საკითხი ცენტრალურ მოედანზე, სადაც ჭადარი დგას, წრიული ჯებირის აღდგენა. ასე რომ ეს საკითხიც განხორციელდება. 20 000 ლარი გვაქვს გამოყოფილი და ამას დაამატებს მერიაც“.



გამარჯვება

ბი გამოვავლინოთ. გასულ წელს საქართველოს მასშტაბით ყველაზე მაღელ დედოფლისწყაროში დავამთავრეთ ამ პროგრამის სამუშაოები და წელსაც იმედი გვაქვს, რომ პირველები ვიქნებით. ამჯერად 26 პრიორიტეტული საკითხია დასახლებული და ვფიქრობ, ზაფხულის ბოლომდე სამუშაოები დასრულებული იქნება.“

ოთარ ნასრაშვილი (მერიის წარმომადგენელი სამრეკლოში): „სოფლის ცენტრში ახალი სტადიონის რეაბილიტაცია აირჩიეს. ძველი მესერი მოიხსნება და ახალი დამონტაჟდება. ასევე, სტადიონის უკან სკვერი უნდა მოეწყოს. წინა წლებში მიმდინარეობდა და ახლა დამთავრდება ეს სარეკრეაციო სივრცე. როცა მე სოფლის რწმუნებულად დავინიშნე ეს ადგილი ძირითადად

საამისოდ თანხა აღარ დავგროვებ. ახლა კი მხარი დაუჭირეს. 10 წელია აღარ განმენდილა და დროთა განმავლობაში საჭიროებს წმენდას. მეორე საკითხად დასახელდა ე.წ. კოტანთ უბანში, სოფლის შესასვლელში და ასევე ცენტრში მდებარე სკვერში საბავშვო სავარჯიშო ტრენაჟორების მონტაჟი. ასევე დაისვა სკოლის მშენებლობის დაჩქარების საკითხი, რადგან ბავშვები ზემო მაჩხაანში დადიან და ეს სირთულეებს ქმნის. სხვა პრობლემები არ წამოჭრილა, რადგან ცენტრალური და ორი შიდა გზა გაკეთდა, დენი, წყალი, ინტერნეტი გვაქვს... ასევე ოქტომბერში ახალი სატუმბი სისტემა დამონტაჟდა და წყლის ცენტრალურ რეზერვუარს



მურად ელაშვილი (მერიის წარმომადგენელი არბოშიკში): „პირველ საკითხად სოფლის მთავარი სანიაღვრე არხის განმენდა დასახელდა. გასულ წელსაც დაისვა ეს საკითხი, მაგრამ მაშინ სხვა პრობლემამ გადაწონა და

იმდენ მარაგს აწვდის, რომ დეფიციტი აღარ არის, გრაფიკის ამოქმედება აღარ გვჭირდება და უწყვეტი წყალმომარაგება გვაქვს. ვნახოთ, ზაფხულში რა ვითარება იქნება“.

ილია მარტყოფილი

სოფელ ფიროსმანში წყლის მრიცხველები დამონტაჟდა

სოფელ ფიროსმანში წყალმომარაგების სისტემის რეაბილიტაცია და სოფლის გამრიცხველიანება დასრულდა. ადგილობრივებს წყალი 24 საათის განმავლობაში მიეწოდება. როგორც სოფლის რწმუნებულმა ვალიკო აბაშიძემ განუთქმობა „შირაქს“ განუცხადა, ასევე რეაბილიტირდა სარწყავი სისტემა, რაც ვენახების მოსარწყავად სიმძლავრეს გაზარდის.

„ამჟამად წყალმომარაგების ახალი სისტემა სატესტო რეჟიმში მუშაობს. სამი ჭაბურღილი გვექონდა, მაგრამ ახლა გაკეთდა მალალი წარმადობის ჭაბურღილი, ახალი ქსელი დაიფინა და ყველა ოჯახში შევიდა, აქამდე მრიცხველებს არ ვიყენებდით, ახლა კი სრული გამრიცხველიანება მოხდა. ფიროსმანში 160 ოჯახია და დაახლოებით 200-მდე აბონენტი გამრიცხველიანდა. ახლა გრაფიკი არ გვჭირდება, მუდმივად მიეწოდება

წყალი, დაბალი მოხმარებაა და საკმარისია. ვნახოთ, ზაფხულის ცხელ სეზონზე რა ვითარება გვექნება. თუმცა, უნდა ითქვას, რომ გამრიცხველიანება წყლის უკონტროლო მოხმარებას შეზღუდავს. აქამდე ჩვენს სოფელს წყალი დღეგამომშვებით და ისიც მხოლოდ 3-4 საათით მიეწოდებოდა.

ამას გარდა, სარწყავი სისტემის რეაბილიტაცია ხდება. დამატებითი ძრავები დამონტაჟდება, რაც სიმძლავრეს გაზარდის. ახალი სისტემა ქვიშის დალექვას და სუფთა წყლის მიწოდებას არქმევს. გაიზრდება ვენახების ფართობი, რომლის მორწყვასაც შევძლებთ. ასეთი 700—800 ჰა იქნება. ღია არხებით მიგვყავს წყალი ვენახებამდე, ყველაფერი დაპროექტებულია და სოფლის მთელ ტერიტორიაზე მივა სარწყავი წყალი. მოურწყავი ვენახი და ნაკვეთი აღარ გვექნება,“ — აღნიშნავს ვალიკო აბაშიძე. **შირაქი**

ინფრასტრუქტურული გეგმების პრეზენტაცია

დედოფლისწყაროს მუნიციპალიტეტის მერმა ნიკოლოზ ჯანიაშვილმა მერიაში სამუშაო შეხვედრა გამართა. თათბირზე მერიის ინფრასტრუქტურის, სივრცითი მოწყობის, არქიტექტურისა და მშენებლობის სამსახურის უფროსმა სოლომონ ლორაშვილმა კოლეგებს 2025 წელს დაგეგმილი ინფრასტრუქტურული პროექტები წარუდგინა.

ნიკოლოზ ჯანიაშვილის განცხადებით, წლებანდელი წელი ერთ-ერთი

ყველაზე დატვირთული წელია სამსახურისთვის, რადგან აქტიურად ხორციელდება არაერთი მნიშვნელოვანი პროექტი, მათ შორის, შიდა სასოფლო საავტომობილო გზები, სპორტული, საბავშვო და საგანმანათლებლო ინფრასტრუქტურის მოწყობა სხვა. მერიის ცნობით, მხოლოდ რეგიონული განვითარების ფონდიდან წელს დედოფლისწყაროში 6,5 მილიონი ლარის პროექტები ფინანსდება



რძის დეფიციტია, თუმცა ფერმები ვერ იზრდება

„მიუხედავად იმისა, რომ ბაზარზე ნედლი რძის 70%-იანი დეფიციტია, ფერმების რაოდენობა ვერ იზრდება“, — ამის შესახებ რძის პროდუქტების მწარმოებელი კომპანიის „შირაქი“ დამფუძნებელმა და საქართველოს მერძეეობის ასოციაციის თავმჯდომარემ, **ნიკოლოზ პანიანიძემ** სექტორში არსებული გამოწვევების შეფასებისას ისაუბრა.

მისი ინფორმაციით, ბაზარზე ირანიდან, ბელორუსიდან და რუსეთიდან იმპორტირებული რძის ფხვნილი გამოჩნდა, რომლის ღირებულებაც იმდენად დაბალია, რომ ნედლი რძე მას კონკურენციას ვერ უწევს. შედეგად, ნედლი რძის ფასი შემცირდა.

„არის ფალსიფიკაცია, არის დაურეგისტრირებული ე.წ. საწარმოები, რაც დარგის განვითარებას აფერხებს. შარშან, ნედლ რძეს რა ფასებიც დააკლდა, წელს ის ფასები გვაქვს შენარჩუნებული. ჯერ-

ჯერობით სარეალიზაციო ღირებულება არც კლებულობს და არც მატულობს.

1 ლიტრი რძე საშუალოდ 1.75-1.90 ლარი ღირს. თუმცა, შეგროვებული რძე უფრო იაფია, რადგან პატარა ფერმები სტანდარტებს და ხარისხს ვერ აკმაყოფილებს. „მერძეეობის დარგის მოდერნიზაციის და ბაზარზე წვდომის პროგრამა“ ძალიან კარგი პროგრამაა - 5 მილიონიანი, 7-წლიანი სესხი შეღავათიანი პირობებით, თუმცა, ამაზე ფერმები დიდად აღფრთოვანებული არ არიან, ვინაიდან ძალიან დიდი რისკია. ფასიდან გამომდინარე ძვირი ჯდება წარმოება, ურთულესი დარგია. თუ არ გამოსწორდება ბაზარზე ფალსიფიკაცია და თუ რესტორნებმა, სახაჭაპურებმა, მეპურეებმა და ბაზარმა, ყველამ არ გააკონტროლა, რომ ყველა ნაწარმი იყოს ეტიკეტირებული, დარგი ვერ განვითარდება“, — ამბობს ბენიანიძე. **შირაქი**

გასულ წელს დედოფლისწყაროში ხანძრის შემთხვევები გაორმაგდა

დედოფლისწყაროში ხანძრების შემთხვევები გაიზარდა — ამის შესახებ განუთქმობა „შირაქს“ შინაგან საქმეთა სამინისტროდან აცნობეს. ოფიციალური სტატისტიკის თანახმად, 2024 წელს დედოფლისწყაროს მუნიციპალიტეტის ტერიტორიაზე დაფიქსირებული ხანძრის შემთხვევები წინა წელთან შედარებით გაორმაგდა. შსს-ს საგანგებო სიტუაციების მართვის სამსახურის საჯარო ინფორმაციის ხელმისაწვდომობის უზრუნველყოფაზე პასუხისმგებელი პირი მედიკო მიროტაძე კონკრეტულ ციფრებსაც გვანვდის.

როგორც შსს საგანგებო სიტუაციების მართვის სამსახურში განმარტავენ, 2024 წლის განმავლობაში სამაშველო სამსახურის სულ 393 შეტყობინება შევიდა, საიდანაც 342-ზე რეაგირება მოხდა, 51 შემთხვევაზე კი რეაგირება

არ გახდა საჭირო. მათ შორის 162 ხანძრის შემთხვევა იყო, საიდანაც სახანძრო ეკიპაჟი ყველა მისამართზე მივიდა, ხოლო 231 სამაშველო გამოძახება იყო, საიდანაც 180-ზე რეაგირება მოხდა. სწორედ ამ მონაცემებიდან ირკვევა, რომ დედოფლისწყაროში ხანძრის შემთხვევები ორჯერ მეტი აღირიცხა, ვიდრე 2023 წელს.

რაც შეეხება 2023 წლის მონაცემებს: დედოფლისწყაროს მუნიციპალიტეტიდან შესულია სულ 289 შეტყობინება, საიდანაც 208 სამაშველო ხასიათისაა, 81 კი სახანძრო. 208 სამაშველო გამოძახებიდან 169-ზე მოხდა რეაგირება, 39 შემთხვევაში კი რეაგირება არ გახდა საჭირო. ხანძრის 81-ვე შემთხვევაში კი ეკიპაჟი მისამართზე გამოცხადდა და ცეცხლის ლოკალიზება მოახდინა. **შირაქი**

წახმარებუნი ქალის უკან ბედნიერი ოჯახი ვგას

საგანმანათლებლო სფეროში მოღვაწეობის შემდეგ მეუღლესთან ერთად რძის გადამამუშავებელი საწარმო შექმნა და წარმატებას მალე მიაღწია. საბავშვო ბაღის გამგის პოზიციაზე მუშაობის გამოცდილება საწარმოს მენეჯმენტში ეხმარება და ამ გამოცდილების წყალობით, შპს „ლეანკას“ დოკუმენტაცია ყოველთვის სკრუპულოზური სიზუსტითაა მოწესრიგებული. შპს „ლეანკას“ დამფუძნებელი ქეთევან ჩალაჩავაშვილი დღეს გაზეთ „შირაქის“ სტუმარია და წარმატებული მენეჯერ ქალის ისტორიას გვიზიარებს.



პროფესიით გეოგრაფ-გეოლოგი ვარ. ჩემი პროფესიის არჩევანი ისტორიის მასწავლებელმა განსაზღვრა, რომელიც საშუალო სკოლაში არა მარტო ისტორიას, არამედ რუქასაც გვასწავლიდა. მთელი კლასი შეყვარებული და გატაცებული იყო სხვადასხვა ქვეყანაში მოგზაურობაზე რუქის მეშვეობით. მაშინ ტელეფონი და სოციალური ქსელი არ არსებობდა და სწავლას გაცილებით მეტი ყურადღება ექცეოდა. მოსწავლეები ინფორმაციას წიგნების მეშვეობით ვიღებდით და ძალიან ბევრს ვკითხულობდით. საზაფხულო პრეზენტაციების შემდეგ ერთგვარი მარათონი იყო ხოლმე გამართული, ვინ რამდენ წიგნს წაიკითხავდა... ერთმანეთს ვუზიარებდით წაკითხულის შინაარსსა და შთაბეჭდილებებს. მსგავსი სიტუაცია იყო დასვენებებზე რუქის ცოდნის გაზიარების თემატარების დროს.

ჩემი გატაცება ბოლოს იმით დაგვირგინდა, რომ თბილისის ივ. ჯავახიშვილის სახელობის უნივერსიტეტში ჩავაბარე და დავამთავრე გეოგრაფია-გეოლოგიის ფაკულტეტი. უნივერსიტეტის დასრულების შემდეგ მშობლიურ რაიონსა და სოფელს დავუბრუნდი, ოზანის სკოლაში ვასწავლიდი მოსწავლეებს გეოგრაფიას. დაოჯახების შემდეგ ჩვენი ოჯახი საცხოვრებლად დედოფლისწყაროში გადმოვიდა. ჩემი სპეციალობით №1 საჯარო სკოლაშიც ვიმუშავე, შემდეგ კი სკოლიდან საბავშვო ბაღში გადმოვიწვევდი. ბავშვები ძალიან მიყვარს. მათ ხომ ყველაზე უანგარო და უპირობო სიყვარული ახასიათებთ. მათთან ურთიერთობა დიდი ფუფუნება და სიამოვნებაა, მაგრამ საწარმოს დაარსების შემდეგ მომიწია ბალთან დამვიდობება და ახალ სფეროში გადასვლა.

საწარმოს დაარსების იდეა როგორ წარმოიშვა?

ჩემს მეუღლეს სასოფლო-სამეურნეო დანიშნულების მიწის ნაკვეთი აქვს, რომელზეც მარცვლოვანი კულტურები მოჰყავს. ხორბლები და ქერიანი მირაქის ველზე განთავსებულ ფერმებს ამარაგებდა და ამარაგებს დღემდე. სწორედ ფერმერებმა შესთავაზეს მას ბარტერული გაცვლა-მარცვლოვლის სანაცვლოდ რძის მიწოდება, და ერთგვარად, რძის გადამამუშავებელი საწარმოს შექმნის იდეაც. ჩემს მეუღლეს მოეწონა ეს აზრი და მეც გამიზიარა. ჩემთვის ეს სფერო უცხო იყო და ამიტომ რძის გადამამუშავებელი საწარმოს შექმნის პერსპექტივას ალფრთოვანებით არ შევხვდი. მაგრამ დიმაღ ფარ-ხმალი არ დაყარა და თვითონ დაიწყო ყველის წარმოება, თავიდან კუსტარულ დონეზე: იღებდა რძის გარკვეულ რაოდენობას, ჰყავდა სულ

ერთი თანამშრომელი, რომელიც რძის გადამამუშავებას ახდენდა, ხოლო ჩემს მეუღლეს მიჰქონდა თბილისში და ყიდდა. მცირე ხანში მუშაობდა ყოველგვარი რეგისტრაციისა და ფორმალუბის დაცვის გარეშე. ერთ დღესაც შეგვამონმა სურსათის უვნებლობის სააგენტომ და საწარმო სოლიდური თანხით დააჯარიმა. ეს გამოფხიზლების ტოლფასი იყო. ჩემმა მეუღლემ გადაწყვიტა, რომ საწარმოსთვის ოფიციალური სახე მიეცა და ყველაფერი კანონიერებისა და შესაბამისი სტანდარტის ფარგლებში მოექცია. ამაში დახმარება მე მთხოვა. მოვიძიე საჭირო ლიცენზია და გავეცანი ინფორმაციას იმის თაობაზე, თუ როგორ უნდა გაკეთებულიყო საწარმო, რომელიც ყველა სტანდარტს დააკმაყოფილებდა. მოკლეული ინფორმაციის თანახმად, მარტო აგენტის, ანუ კონსულტანტის დაქირავება იმხელა თანხებთან იყო დაკავშირებული, რომლის მოძიება ჩვენითვის წარმოუდგენელი იყო. მაშინ გავიგე რა იყო „ჰასპი“. მოკლედ, მეუღლის მოთხოვნით, წავედი ტრენინგებზე, რათა გამეგო, რა გვინდოდა და როგორ უნდა განგვეხორციელებინა იდეა.

თქვენ საკმაოდ სერიოზულად და დიდი პასუხისმგებლობით მიუკვდით საწარმოს იდეას. ალბათ, ამიტომაც შედეგით წარმატების მიღწევა...

ტრენინგებზე დასწრებამ მომცა შესაბამისი ცოდნა, რათა განმესაზღვრა, რა მინდოდა და როგორ უნდა განმეხორციელებინა იდეა, რომელიც ჩემი მეუღლის სურვილი იყო. შემდეგ დავიქირავეთ „ჰასპის“ აგენტი, სოლიდური თანხა გამოვიტანეთ ბანკიდან სესხის სახით და ავაშენეთ შენობა სწორედ იმ სტანდარტების დაცვით, რასაც ითხოვდა სურსათის ეროვნული სააგენტო. ტრენინგებზე ჩემთან ერთად დადიოდნენ საწარმოს თანამშრომლებიც. ძალიან კარგი მეცნიერები გვიტარებდნენ სემინარებს, მათ მიერ შექმნილი წიგნებით დღემდე ვხელმძღვანელობთ. ტრენინგების ორთვიანი კურსის შემდეგ მივხვდით, რომ უკვე თამამად შეგვეძლო მუშაობა.

ცოდნის მიღების პარალელურად საწარმო ალფურვეთ სათანადო დანადგარებით და დავიწყეთ მუშაობა. დავრეგისტრირდით და დავარქვით ჩვენს საწარმოს შპს „ლეანკა“.

და რატომ „ლეანკა“, რას აღნიშნავს ეს აბრევიატურა?

საწარმოს სახელწოდება ჩვენი შვილების სახელების-ლელა, ანი და კახა, შვირთებით წარმოიშვა. სამი შვილი გვყავს და მეოთხე სწორედ ეს საწარმო იქცა, რომელიც მართლაც შვილივით შევიყვარე. სანამ ოფიციალურად დავრეგისტრირდებოდი, ჩვენი პროდუქცია მიგვიქონდა თბილისში და ვაბარებდით ბაზარში პირს, რომელსაც თავად შეჰქონდა ყველი ქსელურ მარკეტში „ფრესკო“. მოგვიანებით „ფრესკოს“ დირექტორი თვითონ დაგვიკავშირა და შემოგვთავაზა თანამშრომლობა. 2016 წლიდან დავდეი ხელშეკრულება ამ ქსელურ მარკეტთან და მას შემდეგ უწყვეტად ვთანამშრომლობთ. მალაზიას ყველა პროდუქტით ვამარაგებთ, ესენია: სულგუნი, შებოლილი ყველი, იმერული, ნადული; არაყნის წარმოება დროებით შეჩერებული გვაქვს რძის რაოდენობის შემცირების გამო, მაგრამ გაზაფხულიდან კვლავ განვაახლებთ. „ფრესკოს“ პარალელურად ჩვენი პროდუქციის შეტანა შემოგვთავაზეს სხვა ქსელურმა მარკეტებმაც, როგორც: „ზლაპარი“, „ნიკორა“, „2 ნაბიჯი“, მაგრამ მათთან ურთიერთთანამშრომლობა ვერ შედგა. ამჟამად ვამარაგებთ საქართველოს დედაქალაქში არსებული რამდენიმე უმაღლესი სასწავლებლის სა-

მზარეულოსაც. — **ნედლეულის როგორ და სად მოიპოვებთ? ზამთრის სეზონზე რძის წარმოება ყოველთვის შემცირებულია, როგორ უმკლავდებთ ამ სიტუაციას თქვენი საწარმო?**

რძეს ადგილობრივი ფერმერებისგან ვყიდულობთ. ზამთარში რძის წარმოება ყოველთვის იკლებს, ამიტომ საწარმოს პრობლემა რომ არ შეექმნას, ჩვენ ზამთარში დამოკიდებული ვართ ე.წ. ბაგურ ფერმებზე. ასე ვეძახით ევროპული მერძეული ძროხის ჯიშს, რომლებსაც დაბნულ მდგომარეობაში აძლევენ საცებებს და ისინი სეზონზე დამოკიდებულები არ არიან-ზამთარშიც იძლევიან იმ რაოდენობის რძეს, რამდენსაც სხვა სეზონზე. ამიტომ, ნედლეულის დანაკლისი არ მექმნება ზამთარშიც.

გასაგებია, რომ ნედლეულის დეფიციტის შევსებას ახდენთ, მაგრამ ეს ფასებზე ხომ აისახება. რამდენადაც ცნობილია, ზამთარში რძის ფასი საკმაოდ მაღალია...

დაიხ, რა თქმა უნდა, ზამთარში რძის ფასი გაცილებით მაღალია, მაგრამ ასევე იზრდება რძის პროდუქტების ფასიც. ამიტომ, პრობლემების გარეშე ვახერხებთ ნედლეულის შესყიდვასაც და მის რეალიზაციასაც.

რა გამოწვევის წინაშე დგას დღეს თქვენი სფერო?

ფულსიფიცირება რძის მწარმოებელთა ერთ-ერთი გამოწვევაა. ბაზრის გაკონტროლება ვერ ხდება ისე, როგორც საჭიროა და ხარისხიანი პროდუქცია „იჩაგრება“. ოფიციალურად დარეგისტრირებული საწარმო, რომელსაც უამრავი რეგულაციის დაცვა და გადასახადების გადახდა უწევს, ბუნებრივია, საკუთარ პროდუქციას ძალიან დაბალ ფასად ვერ გაყიდის. არარეგისტრირებული, კუსტარულად მოქმედი საწარმოები კი გადასახადისგანაც თავისუფლები არიან და არც არავის წინაშე პასუხისმგებლობის ტვირთი არ აქვთ. ეს გამოწვევები არსებობდა და კვლავ არსებობს, რადგან ძალიან რთულია არარეგისტრირებული სექტორის გაკონტროლება.

როგორ უთავსებთ ერთმანეთს ოჯახის დიასახლისობას და მენარმეობას?

საკმაოდ დიდი ოჯახი მაქვს. მყავს სამი შვილი და ხუთი შვილიშვილი. ორივე გოგონა დაოჯახებულია და თავიანთი ოჯახები ჰყავთ. თუმცა, როცა ჩვენი ბიზნესი დაიწყეთ, ბავშვები მცირეწლოვნები იყვნენ, მაგრამ გოგონებს უკვე შეეძლოთ თავიანთი თავის მოვლა. ოჯახის მოვლას მიაღვივებდა ის ფაქტორი, რომ საწარმო სახლის გვერდით მაქვს და, პრაქტიკულად, ოჯახის და ბავშვების მოვლა პრობლემას არ წარმოადგენდა. თავიდან უფრო დიდხანს მიწევდა ქარხანაში ყოფნა, რადგან დიდი ძალისხმევა იყო საჭირო, სანამ საქმეს ავანყობდით. ახლა უკვე თანამშრომლების საუკეთესო გუნდი მყავს, რომელთაც კარგად იციან თავიანთი საქმე.

რამდენი ადამიანია საწარმოში დასაქმებული?

ამ ეტაპზე საწარმოში მუშაობს ხუთი ადამიანი, ასევე ოთხი მძღოლი, ერთი დისტრიბუტორი და ბუღალტერი. ყველა მათგანი ადგილობრივია, მათ შორის ოთხი ქალია. საწარმოში სრული შარმონიაა, ყველანი ერთ საქმეს ვაკეთებთ და ეს კარგად გვაქვს გააზრებული. სიყვარულისა და ურთიერთპატივისცემის გარეშე თანამშრომლობა, ისევე როგორც თანაცხოვრება, შეუძლებელია.

თქვენ და თქვენი მეუღლე...

— მე და ჩემი



მეუღლე ბავშვობიდან ერთად მოვიდევართ. საბავშვო ბაღშიც ერთად დავდიოდით და სკოლაშიც. სკოლის დამთავრებიდან ხუთი წლის შემდეგ დავქორწინდით. მანამდე 5 წლით რალაცაზე ვიყავით გაბუტულები, ოღონდ მიზეზი აღარ მახსოვს (იცინის). ქორწინების შემდეგ, ძირითადად, ბავშვების აღზრდით ვიყავი დაკავებული. ამასობაში 90-იანი წლებიც წამოგვეწია. ყველა სიხარული თუ გაჭირვება ერთად გავიზიარეთ. ასე ვართ ახლაც. საწარმოც ერთად დავაფუძნეთ და ამ საქმეშიც ერთად ვართ. ბავშვობიდან დანყებულნი მეგობრობა დღემდე გრძელდება. ყველა გადამწვეტილებას ერთად ვიღებთ, უკვე 33 წელია.

თქვენ ხართ ერთ-ერთი წარმატებული ქალი, რომელმაც დაამტკიცა, რომ რეგიონში ცხოვრება სულაც არაა ხელის შემშლელი ფაქტორი, რომ ადამიანი წარმატებული და რეალიზებული იყოს...

რეგიონში ცხოვრება მინუსი არ არის. გააჩნია, რა საქმეს წამოიწყებ. ახალი საქმე ნიშნავს ახალ კონტაქტებს და სხვა ქალაქებთან კავშირს, ტრენინგებზე დასწრებისა თუ თანამშრომლობის კუთხით. როდესაც ახალ საქმეს იწყებ, გჭირდება ამ სფეროში მოღვაწე ადამიანებთან ურთიერთობა, პრობლემებზე და მისი გადაჭრის გზებზე საუბარი. კონტაქტი ადამიანებს ახალ შესაძლებლობებს სთავაზობს.

ჩვენს სფეროში არსებობს ქართული რძის ასოციაცია, სადაც 16 ქარხანაა განვრცობილი, რომლებსაც მინიჭებული აქვთ „ქართული რძის ნიშანი“. ამ ნიშნის ქვეშ მყოფი საწარმოები ერთმანეთს რეგულარულად გხვდებით, გამოცდილებას ვუზიარებთ, შეცდომებს განვიხილავთ და მათი მოგვარების გზებზე ვმსჯელობთ.

მე და ჩემმა მეუღლემ საწარმოს გახსნაზე რომ დავიწყეთ საუბარი, მაშინ ფინანსურად ძალიან გვიჭირდა. ხშირი იყო დღეები, როდესაც მეორე დღის გათენებას შიშით ველოდით, მაგრამ ის დღე ყველაზე კარგი გამოდგარა. ჩვენ მაქსიმუმში გავაკეთეთ იმისთვის, რომ საწარმოში ყველაფერი იდეალურად ყოფილიყო, ჩავდეი მთელი ჩვენი ენერჯია, სიყვარული და ამ საქმეზე ვამართალა. ჩვენამდეც ბევრმა დაიწყო რძის გადამამუშავება, მაგრამ შეუძინდათ პრობლემების და დაკეტეს საწარმო. რამდენიმე თვის წინაც დაიკეტა ჩვენთან, დედოფლისწყაროში, ერთი ქარხანა. პრობლემა როდესაც თავს იჩენს ხოლმე საწარმოში, ვინცერთი მიზეზით ძიებას, რა შეცდომა დავუშვით, რამაც არასასურველი შედეგის დადგომა განაპირობა. როდესაც შეცდომას იპოვი, აღიარებ და ეცდები, რომ ის გამოასწორო, საქმე აუცილებლად წინ წავა. არასოდეს დაყარე ფარ-ხმალი და დანებდე პრობლემებს — ესაა წარმატების ჩემუილი საიდუმლო.

რას უსურვებდით და რას ურჩევდით ქართველ ქალებს?

პირველ რიგში, ყველა ქართველ და, განსაკუთრებით, დედოფლისწყაროელ ქალბატონს ვულოცავ გაზაფხულის დღესასწაულებს. რას ვურჩევდი? ვურჩევდი, რომ არ ყოფილიყვნენ დამოკიდებულები მხოლოდ მეუღლის წარმატებაზე. ამას ძალიან დიდი მნიშვნელობა აქვს. რაც მე ამ საქმეში ჩავერთე, უფრო თავდაჯერებული გავხდი, მეტი იმედი მაქვს საკუთარი თავის და შესაძლებლობების. ყველა ქალს უნდა ჰქონდეს თავისი საქმე, რათა მეტად თავდაჯერებული და რეალიზებული იყოს. კმაყოფილი და ბედნიერი დიასახლისის უკან კი ზუსტად ასეთი ოჯახი და შვილები დგანან.



მედალოსანი მოსწავლეები და აჯილდოეც

დედოფლისწყაროს მუნიციპალიტეტის საჯარო სკოლების ოქროს და ვერცხლის მედალოსანთა დაჯილდოების ცერემონია გამართა. დაჯილდოების ცერემონია გასულ კვირას წმ. მეფე ვახტანგ გორგასლის სახელობის სკოლის საკონფერენციო დარბაზში ჩატარდა.

2022-2023 სასწავლო წლის წარჩინებით კურსდამთავრებულებს მედლები დედოფლისწყაროს მუნიციპალიტეტის მერის მოადგილეებმა გელა სამუკაშვილმა და მალხაზ მერაბიშვილმა, ასევე საგანმანათლებლო რესურსცენტრის ხელმძღვანელმა მაკა ჯანაშვილმა გადასცეს.

ცნობისთვის: 2022-2023 წელს დედოფლისწყაროს მუნიციპალიტეტში სკოლა მედალზე 38-მა მოსწავლემ დაამთავრა. აქედან 29 მათგანი ოქროს, ხოლო 9 ვერცხლის მედალოსანია.

გაზეთი „შირაქი“ დედოფლისწყაროელ მედალოსნებს ესაუბრა და მათ წინსვლაში ამ ჯილდოს როლზე გაამახვილა ყურადღება.

გურანდ ღვინაშვილი (ოქროს მედალოსანი ქ. დედოფლისწყარო): „ადამიანს ცხოვრების ყველა ნაბიჯზე სჭირდება მოტივაცია რათა მეტის მისაღწევად იბრძოდეს. მედლის აღება პირველი კლასიდან დაიწყება მიზნად და როდესაც გადმომცეს ერთგვარი სიამაყე ვიგრძენი. სიამაყე იმის, რომ უკვალოდ არ ჩაუვლია მასწავლებლების, მშობლებისა და რა თქმა უნდა ჩემს შრომას. ჩემი აზრით, მოზარდისთვის ამგვარი დაჯილდოება საკმაოდ დიდ როლს თამაშობს, რადგან მოსწავლე იბრძვის მიზნის მისაღწევად და როდესაც შედეგს აღწევს და გრძობს წარმატებას, კიდევ ცდილობს განვითარებას. ჩემს შემთხვევაში დიდი ემოციური დატვირთვა ჰქონდა ცერემონიის თითოეულ დეტალს. მოსწავლის, მასწავლებლებისა და მშობლების მიერ 12 წლის განმავლობაში ჩადებული შრომა და ენერჯია ამით ფასდება და ეს ცერემონია საუკეთესო გზაა ამისთვის. ვსწავლობ კავკასიის უნივერსიტეტში, სამართალზე. ჩემს უნივერსიტეტში მედალს სამწუხაროდ დატვირთვა არ აქვს. მაგრამ, ჩემი თანაკლასელებისგან ვიცი, რომ გარკვეულ უნივერსიტეტებში, როგორცაა შავი ზღვისა და აღმოსავლეთ ევროპის უნივერსიტეტი, მედალი სწავლის საფასურის გარკვეულ ნაწილს უფინანსებს.“



ნიკა ავციანი (ოქროს მედალოსანი ზემო ქედის): „ჩემთვის ოქროს მედალი 12 წლის და განსაკუთრებით ბოლო 3 წლის შრომის დაფასებას ნიშნავს. ნამდვილად კარგი შეგრძნებაა, როცა ოქროს მედალოსანი ხარ. მაგრამ, გულახდილად რომ ვთქვა, რეალურად მედალოსნობა ჯერ არ გამომდგომია სამ-



მხარეთმცოდნეობის მუზეუმის ახალი სივრცე

დედოფლისწყაროს მხარეთმცოდნეობის მუზეუმში სარეაბილიტაციო სამუშაოები დასრულდა. თანამშრომლები შენობაში უკვე შევიდნენ და განხილვის ემზადებიან. მუზეუმის მოდერნიზაცია და ძველი შენობის თანამედროვე სტანდარტებზე მორგება ევროკავშირისა და გერმანიის მთავრობის მიერ დაფინანსებული პროექტის ფარგლებში განხორციელდა.

პროექტს „EU4ITD — ეკონომიკური და სოციალური ცხოვრების კატალიზატორი“ (CESL) გერმანიის საერთაშორისო თანამშრომლობის ორგანიზაცია დედოფლისწყაროს თვითმმართველობასთან ერთად ახორციელებს. სულ მალე მუზეუმი დამთავალიერებულს განახლებულ სივრცეში უმასპინძლებს.

გასულ კვირას დედოფლისწყაროს მერიამ მუზეუმისთვის ახალი ავეჯის შესაძენად ტენდერი გამოაცხადა, ამისათვის კი 35 000 ლარი იყო გათვალისწინებული. 21 თებერვალს გამოვლინდა გამარჯვებული, რომელიც დამკვეთს სასურველ ავეჯს ჯამში 19 800 ლარად მიანდის. ტენდერის შედეგად 15 000 ლარზე მეტი დაიზოგა.

როგორც „შირაქმა“ გაარკვია, საოფისე ავეჯთან ერთად მუზეუმს მიანდებიან საგამოფენო სივრცისთვის მორგებულ და წინასწარი პროექტით განსაზღვრულ ექსპონატების თაროებს და კარადებს, ასევე მაგიდებსა და სკამებს.

შეგახსენებთ, გარდა იმისა, რომ ამ დრომდე მუზეუმი ვიზიტორებს ძველ დარბაზებში მასპინძლობდა, თაროების არარსებობის გამო დედოფლისწყაროს საგანძურის სრულად გამოფენა ვერ ხერხდებოდა. უნიკალური ექსპონატების უმრავლესობა მუდმივად დასაწყობებული იყო და მათი დამთავალიერებლებისთვის წარდგენა წლების მანძილზე

ვერ ხერხდებოდა. ვითარება გაართულა იმანაც, რომ 2021 წელს კიაზო ფიცხელაურმა მის მიერ დედოფლისწყაროს ტერიტორიაზე აღმოჩენილი ექსპონატები საჩუქრად გადასცა დედოფლისწყაროს მხარეთმცოდნეობის მუზეუმს, თუმცა, შესაბამისი საგამოფენო დარბაზების არარსებობის გამო, არ გამოფენილა.

ლალი გურასპაული (მხარეთმცოდნეობის მუზეუმის ხელმძღვანელი): „ვერც ვიოცნებებდით, იმდენად კარგად გაკეთდა ყველაფერი. კმაყოფილი ვართ პროცესით. უძველესი შენობაა და კოსმეტიკური რემონტიც სჭირდებოდა, მაგრამ ბევრი ისეთი პრობლემა იდგა, ძირითადი რეაბილიტაციის საჭიროება იდგა და მხოლოდ კოსმეტიკური რეაბილიტაცია საკმარისი არ იყო. ყველაფერი წინასწარ გაითვალა და ივლისიდან მუზეუმი დამთავალიერებისთვის დაიკეტა. ორ ნაწილად დაიყო სივრცე და ეტაპობრივად გაკეთდა. გამოიცვალა იატაკი, ჭერი, კარ-ფანჯარა, ელექტრო სისტემები და ყველაფერი თანამედროვე მოთხოვნების შესაბამისად მოეწყო. ამჟამად დალაგება-დასუფთავების სამუშაოები მიმდინარეობს. გადაიხურა შესასვლელი კიბე, მოენ-

ყო პანდუსი, რითაც შუბ პირებისთვის ადაპტირებული გახდა. სავარაუდოდ, მაისში, მუზეუმების საერთაშორისო დღისთვის გაგხსნით. ექსპონატები დასაწყობებული იყო, თუმცა სარემონტო სამუშაოების გამო სანყოფინი მტვერი შევიდა. აქამდე მხოლოდ სამ საგამოფენო დარბაზს ვიყენებდით, რომელთაგან 2 დარბაზის რემონტი კი მოძველებული იყო. ამას გარდა, კიდევ ერთი შუა დარბაზი უფანჯროა და სიბნელის გამო ვერც მას ვიყენებდით. ელექტროსისტემებიც მწყობრიდან იყო გამოსული. ამიტომ, თუ აქამდე სამ დარბაზს ვიყენებდით, ახლა 4 სრულიად ახალი საგამოფენო დარბაზი გვექნება. თაროების უკმარისობის გამო ექსპონატების სრულად გამოფენას ვერ ვახერხებდით. ახლა ჩვენთან შეთანხმებით შიორჩა ავეჯი. რამდენიმე დღეში მოგვანდებიან ახალ ავეჯს და დარბაზების შევსებას დაიწყებთ. გაცილებით მეტ ექსპონატს დაგტევთ. გვექნება როგორც მუდმივი, ისე დროებითი გამოფენები. შეთანხმება უკვე გვაქვს, რომ დარბაზებში სამუზეუმი და არქეოლოგიური ნუსების დაცვით განვალაგოთ დედოფლისწყაროში სხვადასხვა



- ოქროს მედალოსნები:**
- 1) ქეთევან გივიშვილი – დ/წყაროს №1 სკოლა
 - 2) ნინო გურაშვილი – დ/წყაროს №1 სკოლა
 - 3) ანა ნასრაშვილი – დ/წყაროს №1 სკოლა
 - 4) სალომე ნასრაშვილი – დ/წყაროს №1 სკოლა
 - 5) ნიკოლოზ სამუკაშვილი – დ/წყაროს №1 სკოლა
 - 6) ნიკოლოზ სიჭინავა – დ/წყაროს №1 სკოლა
 - 7) ნიკა ზურაშვილი – დ/წყაროს №1 სკოლა
 - 8) ლუკა თავაძე – დ/წყაროს №1 სკოლა
 - 9) ნიკა კვანჭილაშვილი – დ/წყაროს №1 სკოლა
 - 10) გურანდა ლვედაშვილი – დ/წყაროს №1 სკოლა
 - 11) ლიკა მაჩაბლიშვილი – დ/წყაროს №1 სკოლა
 - 12) ნიკა მაჩაბლიშვილი – დ/წყაროს №1 სკოლა
 - 13) თეკლა ჯიბლაშვილი – დ/წყაროს №1 სკოლა
 - 14) ეკატერინე მეხრიშვილი – დ/წყაროს №2 სკოლა
 - 15) ნიკოლოზ კობტაშვილი – დ/წყაროს №2 სკოლა
 - 16) ნიკოლოზ ყოჩიაშვილი – სამრეკლოს სკოლა
 - 17) აკაკი ყოჩიაშვილი – სამრეკლოს სკოლა
 - 18) ლაშა ლეკაშვილი – სამრეკლოს სკოლა
 - 19) ბარბარე ბაშარული – ზემო ქედის №2 სკოლა
 - 20) ნიკა აფციაური – ზემო ქედის №2 სკოლა
 - 21) ვალერი ვარდიშვილი – ზემო ქედის №2 სკოლა
 - 22) ანა ნაროზაული – ზემო ქედის №2 სკოლა
 - 23) ნინო ლობჯანიძე – ზემო მაჩხანის სკოლა
 - 24) ფრიდონ იაკობიშვილი – ზემო მაჩხანის სკოლა
 - 25) ლიზი თეთრაული – ქვემო ქედის სკოლა
 - 26) გიორგი ცაბაშვილი – ქვემო ქედის სკოლა
 - 27) გვანცა მაზიაშვილი – ზემო ქედის №1 სკოლა
 - 28) ნინო ქავთარაძე – არხილოსკალოს სკოლა
 - 29) ტატო ბენაშვილი – ეპარქიის სკოლა

- ვერცხლის მედალოსნები:**
- 1) ნინო სარდალაშვილი – ეპარქიის სკოლა
 - 2) ლია ტოკლიკიშვილი – ეპარქიის სკოლა
 - 3) საბა ნიკლაური – დ/წყაროს №2 სკოლა
 - 4) ბარბარე ცისკარაული – დ/წყაროს №2 სკოლა
 - 5) ეთერ ცხვედიაშვილი – არბოშკის სკოლა
 - 6) დავით ხიზანიშვილი – არბოშკის სკოლა
 - 7) თამუნა ნანობაშვილი – არბოშკის სკოლა
 - 8) გვანცა ყაფრელიშვილი – დ/წყაროს №1 სკოლა

სახურში, ან უნივერსიტეტში. არ მქონია მომენტი, სადაც ეს დამჭირდებოდა. უბრალოდ კარგი სტატუსი და ასახავს იმ განათლების ხარისხს, რაც სკოლაში შევიძინე. ცხოვრებაში წარმატება კარგ განათლებას მოაქვს და არა ჯილდოებს. ამიტომ, იმედი მაქვს, მომავალში ეს აღიარება წარმატებების მიღწევაში დამეხმარება. ამჟამად გაუ-ს კომპიუტერული ტექნოლოგიების სტუდენტი ვარ, და ვგეგმავ აიტი მიმართულებით განვითარდები.“

✍ **ილია მარტყოფლიშვილი**

✍ **ილია მარტყოფლიშვილი**

რვა შვილის დედა არხილოსკალოდან

არხილოსკალოში მცხოვრები მარინა (ნელი) ნიკლაური ექვსი შვილის დედაა, რომელმაც ორი შვილი ნაადრევად დაკარგა, თუმცა კიდევ ორი ბიჭის აღზრდა საკუთარ თავზე აიღო და თავს რვა შვილის დედად მიიჩნევს. სოფლის გაძლიერებისთვისაც იბრძვის და არაერთ პროექტს ახორციელებს. გაზეთი „შირაქი“ გაიბოძა, როგორია მრავალშვილიანი დედის ცხოვრება სოფლად...

მარინა (ნელი) ნიკლაური: „დავიბადე არხილოსკალოში დიდ, ხუთშვილიან ოჯახში, სადაც მე და ჩემი და-ძმები პაპა-ბებიასთან ვიზრდებოდით. გაგვიმართლა, რომ ისინი გვყავდნენ თავისი ღირსებითა და შინაგანი ღირებულებებით. მათი ანდაზები და მითები პაპას მუხლზე მოყოლილი ამბებია და „დღესაც ვეფიცები მათი მოგონებების მზეს“. ამიტომ არის ჩემი ბავშვობა მრავალფერადი. იქ მთელი სამყაროა და მგონია, რომ ეს მაძლიერებს. ახლა, როცა ჩემს თანასოფლებს, უზუცესებს და ჩემზე უფროებს ვხვდები, მათთან ვეძებ სიტბოს და სიყვარულს, რომელიც ბავშვობიდან გამომყვა (თურმე ამ ასაკშიც ასე ძალიან გვჭირდება) და ჩვენ ერთმანეთს ვუცვლით ამ გრძობებს. ისინი საინტერესო ამბებით, წარსული მოგონებებით მითბობენ სულს. ამიტომ, ვთვლი, რომ ჩვენი სოფელი ცხოვრება სწორი გადამწყვეტილება იყო.“

კარგა ხანს ჩემი სოფლის სკოლაში ვმასწავლებლობდი. მასწავლებლობა ღვთისაგან ბოძებული ნიჭი მგონია და ვერც შევადრი სხვა რამეს, მაგრამ 1986 წელს ჩემი პირველი შვილი თაია დაიბადა და ჩემთვის დედობა იქცა უპირველესად. მე კი მგონია, ჩემი დიდი ოჯახის, ანუ ჩემი შვილების მასწავლებელი ვაგხდი. თაია უფროსი შვილია და დაბადებიდან ჩემი მეგობარი გახდა. ის ჩემთან ერთად ზრუნავდა ყველაზე და ყოველთვის.

მადლობელი ვარ სამყაროსი, რომ მე ერეკლეს დედა ვარ. საერთოდ, თუ რამეს ვაკეთებ, ყველაფერი ერეკლეს დამსახურებაა. თითოეულ ჩემს ნაბიჯსა და ფიქრში მინდა მისი სურვილი გავაცოცხლო და განვახორციელო. ბავშვების მხრიდან სოფლის უსაზღვრო მონატრებამ, თბილისიდან უკან დაგვაბრუნა. „ჩვენ მინა გავანადგურეთ და თუ გვინდა გადავრჩეთ, ჯერ მინა უნდა გადავარჩინოთ. ადამიანებმა ომი გავაჩაღეთ ბუნებასთან. ჩვენი წინაპრები კი შხამებით არ ანადგურებდნენ მინას,“ — ამბობდა ჩემი ერეკლე.

„დედამინა გვეძახის“ - ღიმილით ნათქვამ ამ სიტყვებში ტოვდა ერეკლე ქალაქიდან სოფელში მოვლოდნელად და ხშირად ჩამორბენის მიზეზს. მას სჯეროდა და ჩვენც გვაჯერებდა, რომ შევძლებდით მიკროკლიმატის შეცვლას, თუ ხეების ქვეშ დავრგავდით მცენარეებს. რგავდა და ცდიდა ახალი ჯიშის მცენარეებს გლედიჩას, წყავს, ფშატს, გოჯებერს, ფისტას, პავლინიას, არღვანს, გლიცინიას და თესვდა სამყურას, იონჯას, სოიოს, ამარანტს. ეს კულტურები მან ჩამოიტანა ჩვენს ბაღში, გვიასხსოვრა და დღესაც ღალად ხარობენ. თვითონ გამოიყვანა ფისტას ნერგები, აკალმებდა ბრონეულებს, თხილს და ხეებზე უშვებდა ვაზს. მადლობა უფალს, რომ მე და ერეკლე ამ სამყაროში ერთმანეთს შევხვდით. ის გრემის ბავშვთა სახლში მოხალისედ მასწავლებლობდა. იქ შექმნილი მეგობრები დღესაც სისხრულით გვცხუმობენ. მასთან ერთად გრემში იყო მისი და ნანუკა ჭინჭარაულიც. იქ ჩაიყვანეს ალუფა ქეთელაურიც და ერთად საინტერესო გაკვეთილებს ატარებდნენ ბავშვთა სახლის შშმ ბავშვებისთვის და ახალგაზრდებისთვის. ლაშქრავდნენ გრემის მიდამოებს. რამდენიმე დღე არხილოსკალოშიც ჩამოჰყავდა, ვაშლოვანის ნაკრძალშიც ჰყავდა. სწორედ მაშინ გაუჩნდა სურვილი, გრემის ბავშვთა სახლის რამდენიმე ალსაზრდელს ჩვენს სახლში ეცხოვრა. მაშინ ეს ვერ მოხერხდა.

გავიდა წლები და ჩვენთან მოვიდა ველი მამედოვი, რომელიც დღემდე ჩვენთან ცხოვრობს ძმასთან ერთად. ეს ჩვენთვის ჩვეულებრივი ამბავია. ერეკლე თვლიდა, რომ თუ ჩვენი საცხოვრებელი სახლი ვინმეს გამოადგებოდა, თავისუფლად შეეძლოთ მისი გამოყენება. ამ პატარა ბიჭებს კი სწავლა უნდოდათ და ჩვენი დახმარებით ეს შესაძლებლობა მიეცათ. ბედნიერი ვარ, თუ მე შევძელი მათი დახმარება.

— როდის და როგორ აღმოჩნდნენ აზერბაიჯანელი ძმები თქვენს ოჯახში?



— 2014 წლის ნოემბერში, ერთ დღესაც ეს ბავშვი შეიყვანეს არხილოსკალოს სკოლაში. თუმცა ხმები დადიოდა, რომ გაურკვეველი იყო, როგორ მოახერხებდნენ მის სკოლაში მუდმივად ტარებას. ოჯახს უჭირდა და არ ჰქონდათ შესაძლებლობა მისი განათლებისთვის ხელი შეეწყობა. მე ღიად გამოვხატე, რომ ძალიან გვიინდობდა ასეთი ბავშვი

გვყოლოდა და ვეძებდით. იმავე საღამოს ბავშვების მამა ჩვენთან სახლში მოვიდა და გვითხრა, რომ უნდოდა ბავშვები ჩვენთან დაეტოვებინა. ჩვენც სიამოვნებით დავთანხმდით, რომ ჩაგვებარებინა და მათზე გვეზრუნა, განათლებაში ხელი უსასყიდლოდ შეგვეწყობა. პირველად ველი ჩვენთან რომ მოიყვანეს, ქართული ნერა-კითხვა არ იცოდა. ზოგჯერ დედას სახელით მიმართავს, მე კი ყოველთვის დედას მიწოდებს. აქ ისე მიეჩვია, მშობლები რომ მოვიდოდნენ ალარც შეხედავდა ხოლმე და შაბათ-კვირა წასვლაც ალარ უნდოდა, სულ აქ ყოფნა მოსწონდა. უმცროსმა ქართული კი არა, ლაპარაკიც არ იცოდა. ის სოფლის ბაღში მივიყვანეთ და რომ გაიზარდა ძმის მსგავსად მანაც ჩვენთან დარჩენა მოინდომა.



მათი სურვილი იყო ქართულ სკოლაში ევლოთ და ქართული ესწავლათ. ორივე თბილი საოცრად მეგობრული ბავშვები არიან. კარგი დამოკიდებულება აქვთ მეგობრებთან. ზოგს არ ესმოდა, რატომ ვაკეთებდი ამას, მე კი არ მესმის, რატომ არ უნდა შევუწყობ ხელი პატარებს ქართული ენის სწავლაში და განათლების მიღებაში. ან ამაში რატომ უნდა მოვიტხოვო ჯამაგირი. ეს ჩემი შინაგანი სურვილი და მოთხოვნაა. ისინი სიტყვიერი შეთანხმების საფუძველზე გავზარდე, არანაირი

ოფიციალური დოკუმენტი არ გავგიფორმებია, არც მინდობით აღზრდის, ან სხვა სახელმწიფო პროგრამებით არ ვსარგებლობ. საკუთარი ხარჯებითა და სურვილით ვაკეთებ. არც მშობლები იხდიან რამეს, როცა ახლოს ცხოვრობდნენ მოდიოდნენ ხოლმე და 3 წელზე მეტია ჯერ ლაგოდეხში გადავიდნენ სამუშაოდ, შემდეგ სილნალში და ახლა წელიწადში ორჯერ თუ ახერხებენ მშობლების ნახვას.

ერთხელ მე და პატარა გოგონა ეკლესიაში წირვაზე მივდიოდით, ბიჭებს კული სწყდებოდათ, რომ სახლში რჩებოდნენ. რაკი მუსლიმები არიან მამამისს დაუფრეკე, ავუსხენი და მითხრა უკეთესად გილას სად წაიყვანე, ისინიც გაიყოლო. **ყველა უნდა მივიღოს ღვთის სახლში. მას ბიჭლიაც ნაკითხული აქვს და მიიჩნევს, რომ ბიჭებს რომელი რელიგია მოუწდებათ, არჩევანის თავისუფლება აქვებათ.** ახლა ველი მე-12 კლასშია, კარგად სწავლობს და უმაღლესი განათლებისთვის ემზადება. რა პროფესიას აირჩევს, ჯერ არ



გადაუწყვეტია, მაგრამ აბიტურიენტია და გამოცდებისთვის ემზადება. IX-ე კლასშია ნიჯათი, ჭკვიანი და საკმაოდ მიზანდასახულია.

ჩვენ გვყავს ასევე მირანდა და თაია - ისინი ჩვენი ძმები არიან. ასევე გვყავდა ანა... მან საოცრად ლამაზი დღეები და მოგონებები დაგვიტოვა. მჯერა, რომ არ დაბადებას დაბადება სჯობს, ჩვენ დღესაც გვახდენიერებს ანას ამბების გახსენება. ანა მეოთხე შვილი იყო, რომელიც 1995 წლის 9 ოქტომბერს დაიბადა. ერთ ზაფხულს ხევსურეთში ვისვენებდით და მუდმივად სციოდა. როდესაც დავბრუნდით და გამოვიკვლიეთ, ლეიკემია დაუდგინდა. წელიწადნახევარი ვიბრძოდით და განიკურნა. თუმცა, 8 თვეში რეციდივი განიცადა და განმეორდა. შემდეგ ქვების მონასტერში ვიცხოვრეთ, მისი სურვილების და ოცნებების ასრულებას ვცდილობდით. ჯერ ანა და მასზე უმცროსი 3 წლის მირანდა წაიყვანე. შემდეგ არდადეგებზე დანარჩენებიც შემოვიერთდნენ. ეს პერიოდი ჩვენთვისაც და ანასთვისაც ძალიან მნიშვნელოვანი და ბევრისმომცემი იყო. იქ რომ არ წავსულიყავით,

ფიქრობ ძალიან გავგიჭირდებოდა. 4 თვე ზღაპრულ გარემოში გავატარეთ, ფაქტობრივად არც ვივიტინა მისი დიაგნოზი. ყველა მისი გუნება-განწყობის ამაღლებაზე ზრუნავდა და ერთიანი ძალებით გადავიტანეთ ეს რთული დღეები. ცხენზე ჯდომა იყო, თუ ბუნებასთან სიახლოვე, რაც უნდოდა ყველაფრის ასრულება შეძლო. ბოლოს ყველას გასაოცრად ეკლესიაში გავიბარე და დავინყო და სრულიად შემთხვევით 7 წლის ასაკში საოცარი ხმა ამოუშვა. არ ვიცოდით მისი ამ შესაძლებლობის

შესახებ და ყველა გაგვაოცა. გვეკითხებოდნენ, ოჯახში ვის ჰქონდა მუსიკალური მონაცემები, რომ ეს ნიჭი გამოავლინა. სამწუხაროდ, 2002 წლის 30 დეკემბერს გარდაიცვალა და არხილოსკალოშია დაკრძალული. ერეკლე IX კლასში იყო, როცა გამოაცხადა, ანას ბაღში მივდივართო. ამის შემდეგ საფლავს ანას ბაღი დავარქვით და ყველა ხალისით მივდიოდით, ალარ გვიჭირდა იქ წასვლა. ანას გარდაცვალების შემდეგ ბავშვებმა სულ შეცვალეს ცხოვრების წესი. ერეკლეს სურვილი და მიზანიც შემდეგ ეს იყო, რომ გრემის ბავშვთა სახლში მასწავლებლად წავიდა. ეს ყველაფერი ძეგვის ბავშვთა სახლის გავლენა იყო, ბავშვებთან მეგობრობას აგრძელებდნენ.

— რა როლი აქვს დედას შვილების აღზრდაში პროცესში?

— მთავარია რწმენა. უნდა გნამდეს და გჯეროდეს მათი და ანალოგიურად მათაც მშობლის რწმენა უნდა ჰქონდეთ. ისეთი ურთიერთობა უნდა დამყარდეს დედა-შვილს შორის, რომ არ იყოს გაუცხოება. ერთმანეთის უნდა გჯეროდეთ. ხშირად ვესაუბრებოდი გენეალოგიაზე, როგორც მამის, ისე დედის მხრიდან. ვხატავდით გენეალოგიურ ხეს და ვყვებოდი ამბებს. ამის გამო ბავშვები ძალიან გახსნილები იყვნენ. ჩვენ ერთმანეთთან დასამალი არაფერი გვქონდა. ახლა რომ ვხედავ, ხშირია პრობლემა შვილებსა და მშობლებს შორის. ზოგჯერ მშობლებმა არ იციან შილების ტკივილი. არადა, რანაირად შეიძლება მშობლებსა და შვილებს შორის დაძაბულობა იყოს? ბავშვს ხშირად უნდა ესაუბრო, ყურადღება აგრძობინო და გაულამაზო ცხოვრება.

— სანამ არხილოსკალოში „ცოდნის სახლს“ გახსნიდით, პედაგოგიურ საქმიანობას მანამდეც ეწეოდით...

— დაახლოებით 10 წლის წინ ჩემს უმცროს შვილსაც და ველისაც ხატვის შესწავლა უნდოდათ, მაგრამ არც სკოლაში ისწავლებოდა და არც ამ სოფლებში იყო მსგავსი წრე. ამიტომ, დედოფლისწყაროს სამხატვრო სკოლაში აკაკი მერაბიშვილთან წავედი. მან კი მითხრა, რაიონში სიარული გაუჭირდებათ, ამიტომ ზემო ქედში მცხოვრებ დათო მალალაშვილის დამსახურებით გაიხსნა ეს სკოლა და აჯობებს თუ მას მიმართავო. შევხვდი მასაც, ვუთხარი, არხილოსკალოში შენობას დაგიტოვებთ მეთქი და ერთობლივი ძალებით შევხვეყნებთ. ბევრი კარგი ნახატი შექმნეს. გამოფენაც გვქონდა. შემდეგ დაიშალდნენ, მაგრამ დღემდე მეგობრობენ. ამ ურთიერთობებმა გააჩინა სურვილი, რომ არხილოსკალოში სხვა საგანმანათლებლო სივრცე შექმნილიყო, სადაც სხვადასხვა სახის აქტივობები განხორციელდებოდა. ასე დაიბადა „ცოდნის სახლის“ იდეა, რომელიც საგრანტო პროგრამის ფარგლებში დაფინანსდა და 2019 წელს გახსენით. მინდა გითხრა, რომ ჩემმა ჩანაფიქრმა გაამართლა, რა იდეაც ჩავდე, ნამდვილად შეასრულა ის ფუნქცია. ბევრი კარგი საღამო შედგა და სოფელი ნამდვილად გამოაცოცხლა. ბოლო წლებში აზერბაიჯანელი ბავშვების საზოგადოებაში ინტეგრაციის პროექტი განვახორციელეთ, 12 ბავშვი მოგროვდა ახლოს მდებარე ფერმებიდან და სხვადასხვა სახის საგანმანათლებლო აქტივობები უტარდებოდათ. 6 თვის განმავლობაში გაგრძელდა პროექტი, რომელიც კვებასაც ითვალისწინებდა. უამრავი კარგი წიგნი გვაქვს „ცოდნის სახლში“, ბევრიც შემოწირულობის სახით მივიღეთ, ზოგიც პროექტის ფარგლებში შეგვიძინეს. უამრავი თვალსაჩინოება გვაქვს და მთავალშიც აქტიურად გამოვიყენებთ. ზამთარში გათბობა არ გვაქვს და იმდენად ვერ ვაქტივობთ, სხვა სეზონზე ხშირად გვაქვს შეხვედრები. ცდილობთ, სოფელი უფრო გავააქტივოთ.

ილია მარტყოფლივილი

უკუნეების სიტყვით, „მეხსიერება იკვებება ისტორიით და, ამავე დროს, ანარაგებს მას სანავით. იგი ესწრაფვის წარსულის შენახვას, რათა ესწავლოს ანსულისა და მომავალს“.



რა უკოლა წინ საბჭოთა ოკუპაციას?

1921 წლის ოკუპაციას, წინ უძღოდა 1918 წლის 26 მაისს საქართველოს ეროვნული საბჭოს მიერ დამოუკიდებლობის გამოცხადება. დამოუკიდებელი საქართველოს საგარეო ვითარება რთული იყო. მის დაკარგვას რუსეთი ვერ ეგუებოდა და ყველანაირად ცდილობდა, საქართველო კვლავ თავის შემადგენლობაში დაებრუნებინა.

1920 წლის 7 მაისს მოსკოვში ბოლშევიკურ რუსეთსა და დამოუკიდებელ საქართველოს შორის სამშვიდობო და სამოკავშირეო ხელშეკრულება გაფორმდა. ამ ხელშეკრულებით, რუსეთი საქართველოს დამოუკიდებლობას აღიარებდა და მის საზღვარსა და საზღვარგარეთის საზღვარს ვალდებულებას იღებდა. მაგრამ, ამას რუსეთისათვის ხელი არ შეუშლია საქართველოს საზღვრები გადმოეღობა და ქვეყანა დაეპყრო. ქვეყნის დასაპყრობად მზადება კარგა ხანს მიმდინარეობდა, რასაც მოსკოვში უშუალოდ სტალინი ხელმძღვანელობდა, ამიერკავკასიაში კი ამ საქმის მეთაური და შემსრულებელი სერგო ორჯონიძე იყო.

1920 წელს ორჯონიძემ სასურველ მიზანს ვერ მიაღწია, იძულებული გახდა, უკან დაეხია და საქართველოს გასაბჭოებაზე დროებით უარი ეთქვა. მაგრამ, საჭიროდ ჩათვალა კიდევ ერთხელ აეხსნა მოსკოვისთვის თუ რა მიზნებისთვის შეიძლება საქართველოს ოკუპაციას რუსეთისთვის, ამიტომ ლენინს, სტალინს და ჩიჩერინს წერდა:

„თუ საქართველოს არ დავეუფლებით, თითქმის შეუძლებელი იქნება იმის უზრუნველყოფა, რომ აზერბაიჯანის საბჭოთა რუსეთის იყოს... საქართველო სამხრეთში კონტრრევოლუციურ კერად იქცა, უთუოდ განუწყვეტელი საზღვრების კონტრრევოლუციის ჩრდილო კავკასიაში. თუ საქართველოს დავეუფლებით, ინგლისელებს გაეაზარებოდათ მათი ზღვის აღმოსავლეთ სანაპიროდან და გზას გაეხსნათ თურქეთისაკენ.“

1921 წლის იანვარში რუსეთმა საქართველოს ოკუპაცია საბოლოოდ გადაწყვიტა. საომარი ოპერაციები საქართველოსა და რუსეთს შორის 12 თებერვალს დაიწყო. 15 თებერვალს კი, სერგო ორჯონიძეს სტალინმა აცნობა, რომ დაუყოვნებლივ დაეკავებინა თბილისი. „ნითელი არმია საქართველოში უნდა შემოსულიყო ვითომ საკუთარი მთავრობის წინააღმდეგ აჯანყებული მუშების დასახმარებლად. აჯანყების ადგილად შეირჩა ლორეს ნეიტრალური ტერიტორია, რომელიც 1918 წლიდან სადავო იყო საქართველოსა და სომხეთს შორის.“

16 თებერვალს, მე-11 ნითელი არმიის 96-ე, მე-6 და მე-20 მსროლელთა ბრიგადის პოლკები, სოფელ შულავერში შევიდნენ. შულავერის კომიტეტში სერგო ორჯონიძე, ფილიპე მახარაძე, მამია ორახელაშვილი, შალვა ელიავა, ბუღუ მდივანი და სხვა ქართველი ბოლშევიკები შედიოდნენ. 17 თებერვალს საქართველოს არმიას სათავეში გენერალი კვინიტაძე ჩაუდგა. 17 თებერვალსვე ბრძოლაში ოუნკრები ჩართნენ. ისინი თბილისის მისადგომებს იცავდნენ. პირველი იერიშის მიყვრება ოუნკრებს საბრძოლო პოზიციებზე ასვლისთანავე მოუწიათ. ოუნკრთა პოზიციების გარღვევა მეთერთმეტე არმიამ ვერც ბაქოელი კურსანტებისა და ვერც პირველი ქართველი კომკავშირელის, ბორის ძნელა-

ძის გარჯის შედეგად მოახერხა. ალექსანდრე ჩხეიძის მეთაურობით ქართველი ოუნკრები 10 დღის განმავლობაში კოჯორ-ტაბახმელას მიდამოებში იგერიებდნენ ბოლშევიკთა შემოტევებს, რამდენჯერმე იერიშზეც გადავიდნენ, თბილისის კარიბჭემდე იოლად მოღწეულ მტერს მნიშვნელოვანი სიმაღლეები წინაშე და რუსები აიძულეს უკან დაეხიათ.

„ლომბივით იბრძვიან ოუნკრები ყველა ნაწილებიდან. ოუნკრები ყველაზე მედგარად და განუწყვეტლოდ ამგვრებენ ფრონტს... ისინი ჩაუსაფრდებიან წუნკალა მტერს და მთელი დღე-ღამე, როგორც ზღვის ტალღებს, უკუაქცევენ ბოლშევიკების იერიშებს...“ - რეზო გაბაშვილის რეპორტაჟი უშუალოდ ფრონტის საზივან.

1921 წლის 18 თებერვალს დაიწყო ნითელი არმიის იერიში თბილისზე. თბილისის ასაღებად ვერ კიდევ 11 თებერვალს დაძრული რუსეთის მე-11 ნითელი არმიის ქართული ჯარი, სახალხო გვარდია და მოხალისეები თბილისის მისადგომებთან გადაუდგნენ წინ. „დედაქალაქის მთელი მოსწავლე-ახალგაზრდობა, როგორც სტუდენტობა, ისე საშუალო სასწავლებლების უფროსი კლასების მოწაფეები ფრონტზე არიან და ალუნერელი გმირობით იბრძვიან. ჯერ არავის ახსოვს ასეთი პატრიოტული აღფრთოვანება და დაუზოგავი თავგანწირვა“. მთავარსარდალმა გიორგი კვინიტაძემ კი ქართული შვიარალეული ძალები თბილისის დასაცავად შემდეგნაირად განალაგა: მარჯვენა ფლანგზე - კოჯორ მანგლისის გზატკეცილზე, თეთრი დუქნიდან აზუელას (ქორ-ოღლის) ციხემდე მე-4 ათასეული იდგა. ტაბახმელას მონაკვეთი სამხედრო სკოლას ეკავა. ცენტრში გენერალ გიორგი მაზნიანილის ნაწილები იყო: შვენაბადას სიმაღლეები მე-9 ათასეულს ეკავა. მტკვრის მარჯვენა ნაპირზე რკინიგზის ხაზამდე გვარდიის გორისა და ხაშურის ბატალიონები იყო. მარცხენა ფლანგზე - გვარდიის ნაწილები იდგა, გენერალ არტემ ჯიჯიხიას მეთაურობით.

20 და 21 თებერვალს გახეთ „ერთობა“ წერდა: „ჩვენმა ჯარმა იერიში მიიტანა მტერის მარცხენა ფრთისკენ - კოჯორისა და ტაბახმელას სიმაღლეებზე და მარჯვენა ფრთისკენ სადგურ ვაზიანის რაიონში. ამ ძალების ლიკვიდაციით ტფილისს სრულიად ეხსენება ალყა, ტფილისი გადარჩენილია და პირდაპირი საფრთხე მოკლე დროში მას აღარ მოელოს.“

22 თებერვალს შემოტევა დაიწყო დარიალის მხრიდან, თუმცა, ქართველმა მეომრებმა ხიდი ააფეთქეს და მინინალმდეგის პირველი იერიში მოიგერიეს. ამ მიმართულებით მოქმედ ქართულ ჯარს პოლკოვნიკი სიმონ წერეთელი ხელმძღვანელობდა.

23 თებერვალს რუსეთთან ომში დაცემული მეომრები თბილისში, რუსთაველზე, სამხედრო ტაძრის ეზოში, საძმო საფლავში დაკრძალეს. „1921 წლის 23 თებერვალს, უფროსკლასელები დილდენვე დიდი მთავრის ქუჩაზე, მორგში წაგვიყვანეს, სადაც კოჯორში დახოცილი ქართველები იყვნენ ჩამოსვენებული. 11 კუბო, 11 რჩეული ვაჟკაცი. პროცესიას სამღვდლოება კათოლიკოს ლეონიდეს წინამძღოლობით წარუძღვა. უკუბოებს სტუდენტები მოასვენებდნენ. ვერის ხიდი ახლანდელ რუსთაველის მოედანზე ამოვედით. მოედანი ხალხით გაივსო, ასე მივაცილეთ ტაძრამდე მეზობლი“ - იხსენებს პუბლიცისტი ანტონ კელენჯერიძე.

საბედისწერო ბრძანება თბილისის დატოვების და მტერთის მიმართულებით უკან დახევის შესახებ, 24 თებერვალს ლამით გაიცა. მოგონებები ბრძოლის ველიდან:

„25 თებერვლის ღამეა. ტაბახმელაზე საშინელი ქარი ქრის. ხვეტავს და პირში გვაყრის ხორხომელასა და თოვლს. თხელ ფარავებში გახვეულნი, გაყინულნი, გულდასმით ვდარავობთ უთუნოლო სივრცეს. სასროლად გამზაბებული თოვები ხელში გვიჭირავს. ოთხნი ვართ: მათიკაშვილი, სომხიანი, ანდრონიკაშვილი, ლომკაცი, 21 წელს არც ერთი ვართ გადაცილებულნი, ტანიათც დაბალი და სუსტი აგებულებისანი ვართ, ყველაზე ჯშუხი აგებულებისა სომხიანიც, ქართველთა ერთგული და გულადი სომხები“ - მთავრობამ დატოვა თბილისი. 25 თებერვალს დედაქალაქში რუსეთის მე-11 ნითელი არმიის ნაწილები შევიდნენ. დღევანდელ თავისუფლების მოედანზე, ამაჟამინდელ საკრებულოს შენობასთან კომუნისტებით სავსე პირველი სამხედრო მანქანა დადგა. ბაქოდა სერგო ორჯონიძემ კი ლენინის დეპუტით აცნობა: „თბილისის თავზე ნითელი დრომა ფრიალებს, გაუმარჯოს საბჭოთა ხელისუფლებას“.

26 თებერვალს, საქართველოს გასაბჭოების მეორე დღეს, ქალაქის მოსახლეობამ რუსთაველის გამზირზე უზარმაზარი სამგლოვიარო პროცესია მოაწყო. ნითელმა არმიამ კი 25 თებერვლიდან 17 მარტამდე საქართველოს დანარჩენი ტერიტორიებიც დაიკავა. საქართველოს მთავრობის წევრთა დიდი ნაწილი საზღვარგარეთ გაიხიზნა. ასე



დაიწყო საქართველოს ოკუპაციის 70-წლიანი ისტორია.

მთელი საბჭოთა პერიოდი საქართველოსთვის ხასიათდებოდა სისტემატური რეპრესიებით, ეროვნული იდენტობის, კულტურის და ენის შეზღუდვით, ძალადობრივი კოლექტივიზაციისა და ეკონომიკური ექსპლუატაციით. საბჭოთა ხელისუფლება ცდილობდა საქართველოში შეექმნა ძლიერი კომუნისტური სახელმწიფო, რის შედეგადაც ქვეყნის პოლიტიკური, ეკონომიკური და სოციალური ცხოვრება გახდა მთლიანად რუსეთის სოციალისტურ მთავრობას მორგებული.

საქართველოს საბჭოთა ოკუპაციის ძირითადი მოვლენები:

1. **საპარლამენტო ბრძოლა და საბჭოთა თავდასხმა (1921):** საქართველოს დამოუკიდებლობის დაცვა საბჭოთა რეპრესიის წინაშე წარუმატებელი აღმოჩნდა. 1921 წლის 25 თებერვალს, საბჭოთა რუსეთმა მოახდინა საქართველოზე თავდასხმა, რამაც გამოიწვია საქართველოში საბჭოთა ხელისუფლების დამკვიდრება.

2. **საქართველოს „მიტაცება“ და სოციალიზაცია:** საბჭოთა მთავრობის მიერ დაიწყო მკაცრი პოლიტიკის გატარება, რომელიც მიზნად საქართველოს სოციალიზაციას და კომუნისტური სისტემის დამკვიდრებას ისახავდა. გლეხებს სავალდებულო კოლექტივიზაცია აიძულეს, რაც იმას ნიშნავდა, რომ ბევრი მათგანი მხოლოდ კოლექტიურ მეურნეობებში სამუშაო ძალად გადაიქცა.

3. **სტალინიზმი და რეპრესიები:** განსაკუთრებით ცნობილი იყო სტალინის პერიოდი (1924-1953), მასობრივი რეპრესიები, რომლებმაც განსაკუთრებული გავლენა მოახდინა საქართველოზე. ეს პერიოდი გამოირჩევა დიდი რაოდენობით გადასახლებებით, ადამიანის ტყვეობებით და რეპრესიებით, იდეური წინააღმდეგობის ჩახშობით. უამრავი ქართველი მწერალი, პოლიტიკოსი და ინტელექტუალი გადასახლეს ან დახვრიტეს.

4. **ამერიკასა და დასავლეთის მიმართ დამოკიდებულება:** მიუხედავად იმისა, რომ საბჭოთა რეჟიმი იყო მკაცრი და ბიუროკრატიული, საქართველომ გარკვეული ეკონომიკური განვითარება მინც განიცადა. საბჭოთა გაერთიანებულ რესპუბლიკებს შორის არსებობდა შიდა დაპირისპირებებიც.

5. **საქართველოს დამოუკიდებლობის აღდგენა:** საბჭოთა კავშირის დაშლის შემდეგ, 1991 წელს საქართველომ ალაღვინა დამოუკიდებლობა.

1921 წლის 25 თებერვლის საბჭოთა ოკუპაციის შესახებ ბევრი მნიშვნელოვანი ფაქტია ცნობილი, თუმცა, არსებობს რამდენიმე შედარებით ნაკლებად ცნობილი ფაქტი, რომლებიც უფრო ღრმა და კომპლექსურ სახეს აძლევს იმ მოვლენებს:

1. „თამარაშვილის“ წინააღმდეგობის ბრძოლა

1921 წლის 25 თებერვალს, საქართველოს დამოუკიდებელი რესპუბლიკის მთავრობა და ძალები ცდილობდნენ წინ აღდგომოდნენ საბჭოთა რუსეთთან შემოსულ არმიას. თუმცა, მიუხედავად იმისა, რომ საქართველოს მთავრობამ და არმიამ დიდი წინააღმდეგობა გაუწია ბოლშევიკებს, მათ არ შეძლდათ საკმარისი რესურსი და სერიოზული სამხედრო მხარდაჭერა. შრომისა და რესურსების სიმცირემ გავლენა იქონია სამხედრო ტაქტიკაზე და ქართულმა არმიამ უკან დახევა დაიწყო. თუმცა, საქართველოს ცენტრალურ და აღმოსავლეთ რეგიონებში ბრძოლა გაგრძელდა. ამ ბრძოლების ერთ-ერთი ნაკლებად ცნობილი ეპიზოდი იყო პირველი წინააღმდეგობა, რომელსაც „თამარაშვილის ბრძოლა“ უწოდებდნენ, რომელიც თბილისთან ახლოს მოხდა. ამ ბრძოლასთან დაკავშირებით მეტი კონკრეტული დეტალი არ არის ფართოდ ცნობილი, რადგან მამინდელი ქართული დოკუმენტები ნაწილობრივ დაკარგულია.

2. გამოცდილი გენერალი შალვა ჯავახიშვილი

მიუხედავად იმისა, რომ საქართველოს არმიის ხელმძღვანელობას არ შეძლოდა საკმარისი რესურსები, 1921 წლის ოკუპაციამდე, ერთ-ერთი მთავარი სამხედრო ფიგურა გენერალი შალვა ჯავახიშვილი იყო, რომელიც

საქართველოს დამოუკიდებლობის დაცვა აქტიურად შეუერთდა. იგი ითვლებოდა ერთ-ერთ ძლიერ სამხედრო ლიდერად, თუმცა საბჭოთა არმიის წინააღმდეგ ბრძოლაში მისი როლი და სამხედრო სტრატეგია ნაკლებად არის დოკუმენტირებული.

3. დაპირისპირება ქართველ კომუნისტებს შორის

სანამ 1921 წელს საბჭოთა ოკუპაცია ბოლოს მოუღებდა საქართველოს დამოუკიდებლობას, სხვადასხვა ჯგუფები, მათ შორის კომუნისტები, საკუთარ მიზნებს ლიად აცხადებდნენ. თბილისის კომუნისტური ფრთა დაყოფილი იყო და ბევრი მათგანი არ ეთანხმებოდა საბჭოთა რუსეთთან ალიანსის შექმნას. ეს დაპირისპირება ფართოდ არ არის განხილული, თუმცა, ეს შეიძლება ყოფილიყო საბჭოთა ძალების წარმატების შემასუსტებელი ფაქტორი.

4. საბჭოთა მობილიზაცია და დამხმარე ძალები

საბჭოთა არმიამ არ მხოლოდ რუსეთიდან ჩამოიყვანა არმია, დამხმარე ძალები სხვა რესპუბლიკებისაგანაც შემოვიდა. მათ შორის უკრაინისა და ბალტიისპირეთისა. ერთ-ერთი მეტად უცნობი ფაქტი ისაა, რომ სწორედ ეს დახმარება და რუსულ-ბალტიური მარშრუტები გახდა ერთ-ერთი მიზეზი, რის გამოც საბჭოთა ჯარმა საქართველოს წინააღმდეგ სრულფასოვანი ოპერაციის განხორციელება შეძლო.

5. „ჩეხოსლოვაკიის გავლენა“

მიუხედავად იმისა, რომ ამ დროს ჩეხოსლოვაკია დამოუკიდებელი სახელმწიფო იყო, მათი მხრიდან გარკვეული მხარდაჭერა საქართველომ მინც მიიღო. დახმარება ევროპის სხვადასხვა ქვეყნებიდანაც მიიღო ბრძოლაში ჩართულმა ქვეყნებმა. მიუხედავად ამისა, საბჭოთა კავშირის გავლენის ქვეშ იყო რამდენიმე ჩეხოსლოვაკი მარშალი, რომელთა პოზიცია დიდი იმპერიული მოთამაშებისა და ტრანსნაციონალური პოლიტიკის ნაწილს წარმოადგენდა.

6. სახელმწიფო გადატრიალება და მტკიცე ბა

ოკუპაციის შემდეგ, საქართველოს ტერიტორიაზე კომუნისტურმა ხელისუფლებამ დაიწყო „სახელმწიფო გადატრიალებების“ მოწყობა. ეს პროცესები ბოლშევიკების მიერ წარმოებული რევოლუციური მოქმედებების ნაწილია, რომელიც რეგიონებში გამოისატა როგორც უშუალო ძალადობა და რეპრესიები. თუმცა, ბევრ შიდა პოლიტიკურ მოთამაშეს არ სურდა სრული გადადგომა, რამაც დაძაბული სიტუაცია შექმნა.

7. გერმანული მოკავშირეები და ერთობლივი პოზიცია

მიუხედავად იმისა, რომ საბჭოთა რუსეთს დიდი მხარდაჭერა შეეძლო, საქართველო და მისი მოკავშირეები სხვა ქვეყნებიდან, მათ შორის გერმანია, ადგილობრივ მხარდაჭერას მუდმივად მხარს უჭერდნენ. ეს ნაწილობრივ გამოჩნდა 1920-1921 წლების პერიოდშიც, როცა გერმანელები ცდილობდნენ, საქართველოს შიდა პოლიტიკაში გაემყარებინათ საკუთარი გავლენა.

8. ტყვეები და გადასახლებები

საბჭოთა არმიის მიერ დაკავებული ტყვეებიდან ბევრი არასამართლიანად დახვრიტეს. 1921 წელს უამრავი ქართველი პოლიტიკური ლიდერი, ჯარისკაცი და ჩვეულებრივი მოქალაქე გადაიყვანეს საგანგებო საკონცენტრაციო ბანაკებში, სადაც ისინი გადაგზავნილ იქნენ საბჭოთა ძალების მიერ.

ეს ის ნაკლებად ცნობილი ფაქტებია, რომლებიც გვიჩვენებენ იმ რთულ და მტკივნეულ პროცესს, რაც საქართველოს საბჭოთა ოკუპაციამდე და შემდეგ განვიტარდა.

1921 წლის რუსეთ-საქართველოს ომი, თავისი შედეგებით, ერთ-ერთი ტრაგიკული მოვლენა საქართველოს ისტორიაში. ის უკავშირდება კულტურულ, პოლიტიკურ და სოციალურ მლელვარებებს, რომლებიც გავლენას ახდენდა არა მხოლოდ მე-20 საუკუნის საქართველოში მიმდინარე ცხოვრებაზე, არამედ ქვეყნის მომავალი დამოუკიდებლობის პროცესზეც.

მომზადდა

ქუშუშა ყანჩაშვილი

ბრუცელოზის სკრინინგი მოსახლეობაში



სამეურნეო ცხოველები: ცხვრები, თხები, ძროხები, ღორები, ცხენები.

ადამიანის ბრუცელოზით დაავადების მიზეზი ხდება უმეტესად თერმულად არასკმარისად დამუშავებული რძე, რძის პროდუქტების, ხორცის საკვებად გამოყენება. ინფიცირებულ ცხოველურ პროდუქტებთან კონტაქტისა და მოვლა-პატრონობისას.

დედოფლისწყაროს მუნიციპალიტეტის საზოგადოებრივი ჯანმრთელობის დაცვის ცენტრმა დაავადებათა კონტროლის ცენტრის ეპიდემიოლოგებთან და ლუგარის ლაბორატორიის წარმომადგენლებთან ერთად 25 თებერვალს ბრუცელოზის სკრინინგი მოსახლეობაში ჩატარა.

სკრინინგში მონაწილეობა მიიღო 35-მა მოქალაქემ. მათ შორის პედაგოგებმა, მედპერსონალმა და მოქალაქეებმა, რომლებსაც ჰყავთ საქონელი. სკრინინგის შედეგები 10 დღეში იქნება ცნობილი.

ბრუცელოზი საქართველოში ენდემური დაავადებაა. მისი კერები უპირატესად აღმოსავლეთ საქართველოში გვხვდება, კერძოდ კახეთში და უფრო კონკრეტულად ახმეტა, საგარეჯოსა და დედოფლისწყაროს რაიონში, სადაც სოფლის მეურნეობის დარგი, მესაქონლეობა კარგად განვითარებულია. 2024 წელს დედოფლისწყაროში დაფიქსირდა 3 შემთხვევა. 2025 წელს დღეის მდგომარეობით დადასტურებულია - 1 შემთხვევა.

დღემდე ადამიანების ბრუცელოზის პრევენციისათვის, ვაქცინაცია არ ტარდება, მაგრამ გაძლიერებულია ვეტერინარული ზედამხედველობა და ცხოველთა ვაქცინაცია ტარდება უსაფრთხო და მაღალი დამცველობითი თვისების მქონე ვაქცინით.

ბ რ უ ც ე ლ ო ზ ი თ დაავადების თავიდან ასაცილებლად ჩვენი რეკომენდაციაა:

1. შიდამეურნეობებსა და ფერმებში დასაქმებულმა პირებმა მიაქციონ ყურადღება საქონლის ვაქცინაციას. გაიზარდოს ბრუცელოზით ვაქცინირებულ ცხოველთა პროცენტული მაჩვენებელი.
2. არ უნდა მოხდეს თერმულად არასკმარისად დამუშავებული რძის და რძის პროდუქტების, ხორცის საკვებად მიღება.
3. პირადი უსაფრთხოების წესების დაცვა, სპეციალური ტანსაცმლის გამოყენება ცხოველებთან და ცხოველურ პროდუქტებთან კონტაქტისას.

დედოფლისწყაროს საზოგადოებრივი ჯანდაცვის ცენტრი

ზემო მარხაანის მხარდაჭერა გურიის სტიქიით დაზარალებულ მოსახლეობას

26-27 თებერვალს ზემო მარხაანის საჯარო სკოლაში მასშტაბური ჰუმანიტარული აქცია „სითბო და მხარდაჭერა გურიას“ გაიმართა. ზემო მარხაანის საზოგადოების ერთიანობა შედგა.



მოხალისეობრივ საქველმოქმედო ღონისძიებაში აქტიურად ჩაერთო სკოლის დირექცია, მასწავლებლები, მშობლები და მოსწავლეები. მათ მიერ განეული ძალისხმევით და თანადგომის წყალობით შეგროვდა დიდი რაოდენობით სურსათი და თბილი ტანსაცმელი, რომელიც უკვე გაიგზავნა გურიის სტიქიისგან დაზარალებულ მოსახლეობას.

„ასეთ რთულ სიტუაციაში ჩვენი საზოგადოება გვერდით დაუდგა მათ, ვინც ყველაზე მეტად საჭიროებს დახმარებას. „გაავრცელე სითბო“ ანხორციელებდა სურსათისა და თბილი ტანსაცმლის შეგროვებას, რათა საჭირო ნივთები დაზარალებულ მოსახლეობას მიწოდებულიყო. ამ კეთილშობილურ საქმეს ზემო მარხაანის კლუბიც შეუერთდა. გვინდა მაღალხარისხის მხარდაჭერით მათ, ვინც პატარა წვლილი მაინც შეიტანა ამ საქველმოქმედო კამპანიაში. თქვენი

სიკეთე და ერთიანობა კიდევ ერთხელ ამტკიცებს, რომ სირთულეების წინაშე ქართველი ხალხი არასოდეს რჩება მარტო“ - აღნიშნავენ ზემო მარხაანის სკოლაში.

ბოლო დღეებში გურიის მაღალმთიან რეგიონში სტიქიამ მძიმე ვითარება შექმნა. დიდთოვლობის გამო ადგილობრივი მოსახლეობა გარესამყაროსგან მოწყვეტილი აღმოჩნდა. მათ არ აქვთ ელექტროენერჯია, გაზი და ინტერნეტი, ხოლო საკვების მარაგი ეწურება. რეგიონებში უამინდობა გრძელდება, მაღალმთიან დასახლებებში მცხოვრები მოქალაქეები დახმარებას ითხოვენ. პრემიერ-მინისტრმა სტიქიის ზონებში სპეციალური ძალები და 140 ტონა სურსათი გაგზავნა.

ურთიერთობის რამდენიმე „ოქროს“ წესი

თუ ადამიანთა ურთიერთობებში ჩნდება პრობლემები, ძალიან მნიშვნელოვანია:

1) შევხედოთ ამ ურთიერთობას არა მარტო ჩვენი, არამედ პარტნიორის პოზიციიდანაც. როგორი არაკონსტრუქციულიც, თუნდაც აგრესიულიც არ უნდა იყოს მისი ქცევა, ის ამ ქცევით გვატყობინებს, რომ უჭირს. უჭირს ჩვენზე არანაკლებ, შესაძლოა, მეტადაც. აგრესიული ქცევის უკან ხომ ადამიანის ღრმა იმედგაცრუება იმალება. პარტნიორის პოზიციაში საკუთარი

თავის ჩაყენება დაგვეხმარება გავუგოთ მას. მივხვდეთ, თუ რა უჭირს და მივუტყუოთ. პრობლემური ურთიერთობის მოგვარება კი ყოველთვის მიტევებით იწყება. მხოლოდ მიტევებას შეუძლია გააღრმავოს მანკიერი ურთიერთობის „მოჯადოებული“ წრე.

2) ძალიან მნიშვნელოვანია პრობლემური ურთიერთობის მოგვარება ჩვენ ვითათო, რადგან საკუთარ თავზე პასუხისმგებლობის აღებით იწყება პიროვნული თავისუფლება.

3) ასევე მნიშვნელოვანია გავერკვათ, საკუთარ თავ-

ში გავიაზროთ, თუ რა არის ამ ურთიერთობაში ჩვენთვის სასურველი მიზანი. გამოვყოთ მიზნიდან ის საშუალება, რითაც ვცდილობთ მის მიღწევას. ამისთვის საჭიროა დაუკვირდეთ, თუ რამდენად ვიღებთ ჩვენი ქცევის პასუხად სასურველ რეაქციას პარტნიორის მხრიდან. თუ ვერ ვიღებთ სასურველ რეაქციას - ეს იმის ნიშანია, რომ უნდა შევცვალოთ ქცევის ნაკადი სტრატეგია. ნავიდეთ ამგვარ რისკზე, რომ არის პრობლემები, რომლებიც სუბიექტურად არსებობს და გადავდგათ შემდგომი ნაბიჯები ჩვენი პიროვნული ზრდის გზაზე.

ბენიკ გიგოლაშვილი, ფსიქოლოგი

„ზაქების“ წარმატება

16 თებერვალს ქალაქ თბილისში ჩატარდა შეჯიბრი კიკბოქსინგში. ჩემპიონატი კიკბოქსინგისა და ტაილანდური კრივის ეროვნული ფედერაციის ორგანიზებით (პრეზიდენტი ლამა ჭურაძე) გაიმართა. ორთაბრძოლებში დედოფლისწყაროელი სპორტსმენებიც ასპარეზობდნენ.

ზემო მარხაანის სპორტული კლუბი „ზაქები“ (მწვრთნელი გენადი ნატროშვილი) საუკეთესო შედეგებით დაბრუნდა.

მარიამ ჯაბაშვილმა საუკეთესო შედეგები დადო. მან ამ ტურნირზე სამ წონით კატეგორიაში მიიღო მონაწილეობა და სამივე წონაში ნოკაუტი დაასრულა ბრძო-



ლა. აღსანიშნავია, რომ ჯაბაშვილმა დაამარცხა მსოფლიო ჩემპიონი ბარბარე ბუდაგაშვილი და სამი ოქროს მედლით დაბრუნდა სოფელში.

წარმატებულად იასპარეზეს ასევე:

- * ნიკა ჯაბაშვილი - 72კგ, 2009 წ;
- * რატი დაუთაშვილი, რომელმაც ნოკაუტით გაიმარჯვა და საუკეთესო ბრძოლა ჩაატარა.
- ასევე მონაწილეობდნენ ახალბედა სპორტსმენები:
- * საბა ხიზანიშვილი - 68კგ, 2008 წ და
- * ნიკოლოზ ცაკაშვილი - 53კგ, 2008 წ.

5 წლის ბიჭი ექიმების დაუდევრობას ემსხვერპლა

სოფელ ზემო მარხაანში 5 წლის ბავშვი დაიღუპა. ოჯახის წევრები მომხდარში ექიმს ადანაშაულებენ, რომელმაც მათი თქმით, ბავშვს ალერგიული სინჯი არ აულო, რამაც ანაფილაქსიური შოკი გამოიწვია.

ზემო მარხაანში ამბობენ, რომ ბავშვი რამდენიმე დღით ადრე ჯერ წნორის „არქიმედეს“ კლინიკაში ვირუსული ინფექციით მიიყვანეს. შემდეგ სახლში დაბრუნებულს დილით ლებინება დაეწყო. ბავშვის ბიციოლა ყვება, რომ 5 წლის ავთო მაძლარაშვილი დედოფლისწყაროდან თბილისის იაშვილის კლინიკაში პარასკევს, 21 თებერვალს წაიყვანეს. მას პირლბინება აწუხებდა.

„სუთშაბათს კარგ ხასიათზე იყო, საღამოს უთქვამს, დავილალო. შემდეგ დაიძინა და დილით რომ გაიღვიძა, მაშინაც ანალოგიურად დაუწუნუნია, როგორც ჩანს სუსტად იყო. თუმცა, არც სიცხე ჰქონდა, არც გაციების სხვა რაიმე ნიშანი. არაფერს ჭამდა, არც წყალს სვამდა. წაიყვანეს თბილისში. ფილტვებიც დაათვალიერეს და მუცლის ღრუც, არაფერი საეჭვო არ შეუნიშნავთ. მხოლოდ პირლბინება ჰქონდა და ამ დროს ხდებოდა ცუდად, ამის გამო გადასხმა დაუდგეს. გადასხმის დროს ექიმი შემოსულა და კიდევ ერთი პრეპარატი შეუშვია ვენაში, მანამდე დედას უკითხავს, რა მედიკამენტია, რადგან ბავშვი იყო ალერგიული. თუმცა ექიმმა მაინც შეუშვა პრეპარატი ვენაში. ექიმი რომ გავიდა, 3 წუთში ბავშვმა თვალები გადაატრიალა და კომაში ჩავარდა. მალევე დაიღუპა“ - ამბობს გარდაცვლილის ბიციოლა.

ბავშვის გარდაცვალებასთან დაკავშირებით დაინიშნულია ექსპერტიზა. მედიკოსების ბრალეულობის საკითხს შეისწავლის ასევე სამედიცინო საქმიანობის სახელმწიფო რეგულირების სააგენტო, რომლის პირდაპირი მოვალეობაა ამგვარ დარღვევებზე რეაგირება და დამნაშავე ექიმების დისციპლინური პასუხისმგებლობის საკითხის დასმა.

მომხდართან დაკავშირებით მწუხარება გამოხატა მირზაანის საბავშვო ბაღმა და გარდაცვლილის ფოტოები გაავრცელა. **შპს 1-8**

ერთი კადრი წარსულიდან


1967 წელი, ქალაქ წითელწყაროს მთავარი პროსპექტი, კულტურის სახლის შენობა. ფოტო გადაღებულია გზის მოპირდაპირე მხარეს არსებული სამხედრო ნაწილის მესერიდან. ფოტოს ავტორი: კულაკოვი ო.ნ. დაცულია რუსულ არქივებში.



სამეზობლოში დიდი მწუხარებაა... გაგვიფრინდა პატარა ანგელოზი

ავთო (ათუკა) გაპლარაშვილი ვუსამძიმრებთ ოჯახს და გამძლეობას ვუსურვებთ.

სამეზობლოს სახელით, ნიაზი და სოსო ჯანაშვილები



„ზრუნვა და სიყვარული უკვალოდ არასდროს ქრება“

გაზაფხულმა კარზე მოგვიკაკუნა. მოდის და მოდის ქაღალდი დღეები. გაზაფხული ხომ თავისი ბუნებითაა ქალის ხასიათს უფრო ნათესავს. დღეს ჩვენ გაზაფხულზე დანადგებულ ქალბატონის, ჩვენი საყვარელი მასწავლებლის **დალი მაქარაშვილ-მანთა-შაშილი**ს მონახულენა გადავწყვიტეთ. ქალი, რომელიც უამრავ გამონკვევას მტკიცედ და შეუპოვრად გაუმკლავდა. თითოეული ადამიანის შინაგანი ძალა განსაზღვრავს მის უნარს. ერთდროულად გაუმკლავდეს მსუხარქვას და ღირსეულად აღზარდოს შვილები. ნოლო თუ როგორ შეძლო მან ეს ყოველივე. როგორ ქალმა და როგორ სამი შვილის დეამ, მისი ინტერვიუდან შევცნობთ:



— დალი, მოგიყვები შენ შესახებ...

— როგორც ეგზოტური თქვა, „ყველანი ჩვენი ბავშვებიდან მოვდივართ“. მასხოვს ჩემი უბნის გოგო-ბიჭები და მათთან ერთად გატარებული დაუფინყარი წუთები, მასხოვს სკოლის პერიოდიც და ჩემი აქტიური ჩართულობა ყველა ღონისძიებაში. მერე იყო სტუდენტობა... ბევრს ვერ დავიკვივნი, რადგან თბილისში ომის შემდგომი წლები იყო და უსაფრთხოების მიზნით, დაუსწრებელ სწავლებაზე გადავედი. დავამთავრე სულხან-საბა ორბელიანის პედაგოგიური უნივერსიტეტი ბიბლიოთეკათმცოდნეობისა და ბიბლიოგრაფიის განხრით. მერე მშობლიურ რაიონში დავინყე მუშაობა №1 საბავშვო ბაღში აღმზრდელად. მართალია, შესაბამისი პროფესია არ მქონდა, მაგრამ აღმოჩნდა, რომ ამისთვის ვყოფილვარ მონოდებული. მერე ოჯახი, 3 შვილი და უეცრად საბედისწერო შემთხვევის გამო ჩემი დაქვრივება.

— რას ნიშნავს შენთვის დედობა და როგორ გაზარდე უმამოდ დარჩენილი სამი ბავშვი?

— როცა შავმა ღრუბელმა გადაიარა და რეალობის წინაშე დავდექი, მასხოვს, როგორ მოვიყარე მუხლი მძინარე ბავშვების ოთახში და ვთქვი: რა მეშველება, ღმერთო! პასუხმაც არ დააყოვნა და თითქოს ჩამესმა ხმა: ნუ გეშინია, მე შენთან ვარ! ცრემლები წამსკდა და მივხვდი, რომ უფალი მანუგებდა. მას მერე ასე, ღვთის მადლს ჩაჭიდებული,

მოვეყები ცხოვრებას. გავიზრე, რომ ორმაგი ტვირთი უნდა მეტარებინა – ერთი როგორც დედა და მეორე, როგორც მუშაობის. იმ ბრძოლაში, სადაც შვილები უნდა დამეცვა, უბრალოდ არ მქონდა მოღონების დრო, არ მქონდა ნუნუნის უფლება, არ იყო ჟამი სასონარკვეთილებისა. ოთარანთ ქვირის ვანსაბიერებდი სკოლაში ერთ-ერთ ღონისძიებაზე და რადიკალი, რომ მეც ქვირის ბედი მხედებოდა წილად.

— რამდენად დაძლევადა ჩვენს პირობებში მეუღლის გარეშე დარჩენილი სამი შვილის დედის ხვედრი?

— პრობლემების გარეშე არ არსებობს ცხოვრება, როგორც უზრუნველყოფა არ უნდა იყოს ის. თუმცა, ვფიქრობ, რომ პრობლემას ის კი არ უნდა უთხრა, რადიდი პრობლემა ხარ, არამედ ის, რადიდი ღმერთი გეყავს. ბევრი სირთულე გამოვიარე, განსაკუთრებით ბავშვების გარდატეხის ასაკში, მაგრამ გადავწყვიტე, უფრო ახლო მეგობარი გავმხდარიყავი მათთვის, ვიდრე დედა. ერთად გავიარეთ სირთულეები და მზად ვიყავი ყოველი გამონკვევის დროს ემოციებს არ ავყოლოდი და სწორი გადაწყვეტილებები მიგველო. ჩვენ ერთად ვთანხმდებოდით ამა თუ იმ საკითხის მოგვარებაზე, განსაკუთრებით გოგონებთან. ვეცადე, ყველა ადამიანი რესურსი ჩამელო ჩემი შვილების აღზრდა-განათლებაში. როცა ვხედავდი, რომ მოტივირებული იყვნენ სწავლაზე, მაქსიმალურად ვუწყობდი ხელს, რომ ამ ყველაფერს კარგი შედეგი გამოელო და გამოელო კიდევ. სამივე მათგანმა უმაღლესი დაფინანსება მოიპოვა ეროვნულ გამოცდებზე და დღესდღეობით ისინი

მრავლობის და ცოდნის იღებს?

— კი, ნამდვილად ასეა, ძალიან დატვირთული ცხოვრების რუტინა მექვს. ზემოთ ვთქვი, რომ ბავშვებთან მუშაობა ჩემი უნარების აღმოჩენა იყო. თითქმის 30 წელია, რაც საბავშვო ბაღში ვმუშაობ. იმ პერიოდში არც თუ ისე სახარბიელო ხელფასები გვექონდა, მაგრამ უკეთესი საარსებო პირობების გამო ან საზღვარგარეთ უნდა ნავსულიყავი ან აქ უნდა გამეკეთებინა ისეთი რამ, რაც ჩემს საყვარელ საქმეს არ ჩამომამორებდა და ამასთანავე ჩემი შვილების გვერდით ვიქნებოდი. ბევრ რამეს მოვეკიდე, მაგრამ ბოლოს ჩურჩხელების ნარმოებამ გაამართლა. სოფელში ვენახი გვაქვს და იმ ყურძნის რეალიზება გადავწყვიტე ისე, რომ უფრო მეტი მოგება გვექონოდა. ასე დაიბადა ჩურჩხელების კეთების იდეა. არაჩვეულებრივი დედამთილი მყავს და თათარის გაკეთება მისგან ვისწავლე. ახლაც ცრემლმორეული ვისხენებ ჩურჩხელების პირველ რეალიზაციას. ჩემი უფროსი შვილი, რომელიც პირველი კურსის სტუდენტი იყო, გვერდში დამიდგა და ერთად დავატარებდით იმ კალათს რუსთავის ბაზრობაზე, სკოლებში, საავადმყოფოებში. არასოდეს დამავინყვებდა მისი მოკრძალებული ხმა „ჩურჩხელები არ გინდათ?“... ეს ის ხმა იყო, რომელსაც არ სცხვენოდა პატიოსნებითა და ალალი შრომით გაკვალული ბილიკისა.

— გვიამბოთ თქვენი ბოლო აქტივობების შესახებ საბავშვო ბაღში. რა სიახლეები გაქვთ, ხომ არაფერი შეიცვალა, ან რაიმე ახლებური მიდგომა ხომ არ დაინერგა?

— რაც შეეხება ჩემს საქმიანობას, როგორც გითხარით, ბევრი წელია ამ პროფესიას ვეუფლები და გარკვეულნი-

თუმცა რადგან ბავშვებზეა მორგებული ახალი სწავლება, აქაც ისინი დამეხმარნენ. გამოსაშვები წელი იყო და რაღაც ისეთი უნდა გავეკეთებინა, რომ პატარებს არასოდეს დაინწყებოდათ. კითხვა დავსვი, თუ რა გასართობი მოუწოდებდათ ზაფხულის ცხელ დღეს. თითქმის ყველამ თქვა - ვინუნათოთ. აი იდეა! მშობლებს შევეუთანხმე და აუხეი მოვუწყვეთ გამოსაშვებ დღეზე. უნდა გენახათ მათი ბედნიერი სახეები. ზოგი ნუნაობდა, ზოგი ბამბის ნაყინს ელოდებოდა, ზოგი კექსებს არიგებდა და რა ვიცი, უამრავი შესაძლებლობა ჰქონდათ ბავშვებს, რომ აერჩიათ მათთვის საყვარელი გასართობი.

— მარტი მოვიდა... როგორც ქალს და როგორც დედას, რა გაქვს სათქმელი, რას ისურვებდი და უსურვებდი ქალებს?

— ამ კითხვაზე ჩემი ღანას დაბადების დღე გამახსენდა. გავიღვიძე შევედივარ მის ოთახში, რომ მივულოცო 17 წლის იუბილე. და რას ვხედავ... ოთახი ბუმბულებითაა მორთული და დიდი ასობით უწერია „მადლობა რომ“... ვფიქრე, თავისმა დამამ სიურპრიზი ხომ არ გაუკეთა-მეთქი და ვიდრე სიტუაციაში გავერკვეოდი, ყუთი მომანდა და მიხარა, გახსენიო. ცოტა დავიბენი - შენი დაბადების დღეა თუ ჩემი-თქო და როცა ყუთი გავხსენი, ცრემლები ვერ შევიკავე. თავის დაბადების დღეზე მე მიხიდა მადლობას, რომ გავაჩინე, რომ ადამიანობა ვასწავლე, მის ხასიათებს ვიტანდი, მუდამ ვზრუნავდი, როცა ცუდად იყო განსაკუთრებულად ვუფლიდი, ყველაფერს ვპატიობდი და კიდევ ბევრი რამ ეწერა იმ ფურცლებზე. იმდენჯერ ნავიკითხე ის სიტყვები, რომ მიწოდდა სახელი დამერქმა ჩემი შვილის



შვილები: როლანდი, მეკო და ლანა მენტეშაშვილები

ჩემგან დამოუკიდებლად აგრძელებენ კარიერულ ზრდას. თუმცა, აქვე მინდა მადლობა გადავუხადო დედას და ჩემი მეუღლის მშობლებს, დებს, მათი მხარდაჭერისა და მუდმივად გვერდში დგომის გარეშე ასე ვერ გამოვივიდოდა ყველაფერი.

— ვიცი, რომ არაერთ სამეურნეო საქმიანობას ეწევი პროფესიულ საქმიანობასთან ერთად – უვლი ვენახს, ამზადებ გასაყიდ რურჩხელებს... როგორ ასწრებ ამ ყველაფერს და უთავსებ სამსახურს, სადაც ყოველდღიურად ამდენი პატარა გელოდება და შენგან უა-

ლად ჩამომიყალიბდა ბავშვებთან მუშაობის მოქნილი მიდგომა. როცა ვადარებ მუშაობის პირველ წლებსა და ახლანდელს, ვხვდები, როდენ დიდი ცვლილებები მოხდა ამ სფეროში. ძალიან მახარებს ის, რომ საქართველოშიც დაიწყო ბავშვებზე მორგებული და მოქნილი კურიკულუმის განხორციელება, რომლის ძირითადი მიზანია ჯგუფის ერთობა და კვლევა-აღმოჩენა. მოგხსენებთ, რომ ბაღებში სტანდარტული ზეიმები აიკრძალა, თუმცა არ გაუქმდა ბავშვებისთვის ზეიმობა. ამაზე ბევრი ვფიქრე, როგორ ჩამენაცვლებინა ეს ორი ერთმანეთთან,

მადლიერებისთვის, თუმცა, ვერ მოვუფიქრე, იმიტომ რომ ასეთად ყოფნა ჩემი ვალი იყო. მე მინდა ყველა ქალს და ყველა დედას ვუთხრა, რომ მათ მხრებზე გადის ყველაზე დიდი მისია, რომელსაც ზრუნვა და სიყვარული ჰქვია. ის არასოდეს ქრება უკვალოდ, ამიტომ მე გაზაფხულის მოსვლა ისევე მიხარია.

გილოცავთ, ძვირფასებო, გაზაფხულის დღესასწაულებს. ბედნიერი ქალები და დედები ყოფილიყავით.

ესაუბრა
ელზა ხარაშვილი

სასამართლო სტატისტიკა

დედოფლისწყაროს სასამართლო გასული წლის სტატისტიკას აქვეყნებს. როგორც ოფიციალურად გავრცელებულ ინფორმაციაშია ნათქვამი, დედოფლისწყაროს მაგისტრატ სასამართლოში 2024 წლის 1 იანვრიდან 2024 წლის 31 დეკემბრის მდგომარეობით შემოსულ და განხილულ საქმეთა სტატისტიკა ასეთია. სამოქალაქო სამართლის საქმე: შემოვიდა – 290 საქმე (წარმოებაში იყო - 338 საქმე); დამთავრდა – 238 საქმე (მათ შორის გადაწყვეტილების გამოტანით – 23 საქმე, მიღებაზე უარი ეთქვა - 177 საქმე, დატოვებულია განუხილველად – 23 საქმე, შეწყდა მორიგებით - 14, შეწყდა სხვა საფუძვლით - 1);

ადმინისტრაციული საქმე: შემოვიდა – 5 საქმე (წარმოებაში იყო 10 საქმე); დამთავრდა - 4 (გადაწყვეტილების გამოტანით -1, დატოვებულია განუხილველად -1, გადაცემულია განსჯადობით -2); ადმინისტრაციული სამართალდარღვევის საქმე: შემოვიდა – 85 საქმე (აქედან 4 საჩივარი, წარმოებაში იყო 20 საჩივარი); განხილულ იქნა - 85 ოქმი (სიტყვიერი შენიშვნა - 32, ჯარიმა - 39, შეწყდა - 6, გაუერთიანდა სხვა საქმეს - 6, დარჩა განუხილველი - 2) და 3 საჩივარი; შიჩაქი

იყიდება

დედოფლისწყაროში კერძო აგურის სახლი 170 კვ.მ. ბელეტაჟზე. მეტალოკონსტრუქციის გადახურვით, მეტალოპლასტმასის ფანჯრებით. სამზარეულო, აბაზანა-ტუალეტი შიგნით და კაფულ-მეტალოპლასტმასით, გათბობით, ცივი და ცხელი წყლით. ყველაფერი ახალი გარემონტებული. ეზო 800 კვ.მ ხეებით, რკინის კარით. ფასი შეთანხმებით ტელ: 595 32 47 61

| ამინდი | | დედოფლისწყარო | | | | | | | | | | | | | | | | | | |
|----------------|-----------------|-----------------|-----------------|-----------------|--------------|-------------|-----|------|-----|------|-----|------|----|-----|----|-----|----|-----|----|-----|
| ორშაბათი 03.03 | სამშაბათი 04.03 | ოთხშაბათი 05.03 | ხუთშაბათი 06.03 | პარასკევი 07.03 | შაბათი 08.03 | კვირა 09.03 | დღე | ღამე | დღე | ღამე | დღე | ღამე | | | | | | | | |
| ☀ | ☁ | ☀ | ☁ | ☀ | ☁ | ☀ | 3° | -5° | 5° | -3° | 6° | -2° | 8° | -2° | 9° | -1° | 8° | -1° | 8° | -1° |

გამომცემელი შპს „შიჩაქი“
 დირექტორი **ინგა შიოლაშვილი**
 რედაქტორი **ილია პარჭაოფლიანი**
 წერილში მოყვანილ ფაქტებსა და ციფრებზე პასუხს ავებს ავტორი.
 სარედაქციო კოლეგია: შუშუნა ყანაშვილი, ელზა ხარაშვილი (ჟურნალისტიკა); ხათუნა ბენაშვილი (კორექტორი); ნათელა ბოსტაშვილი (ბუღალტერი); ნინო ჯანაშვილი (ოფის-მენეჯერი); მზია ქინძიძე (საქმის მწარმოებელი).
 გაზეთი აიწყო და დაკაბადონდა „შიჩაქის“ კომპიუტერულ ბაზაზე.
 ყოველკვირეული გამოცემა იბეჭდება გამოცემლობა „ლაბ კოლორი“-ს სტამბაში.
 რედაქციის მისამართი: ქალაქი დედოფლისწყარო, ფიროსმანის №18, ☎ 0 356 22 22-85; 598 72-18-72 (დირექტორი) 593 275-275 (რედაქტორი)
 რეგისტრირებულია დედოფლისწყაროს რაიონის სასამართლოს მიერ, № 6 014 - 468.
გაზეთის გამოწერა წელიწადში – 20 ლარი